

# Yesugât den pat Marekoŋe kulemgoep

---

Yohaneŋe âi keiŋe kalep.

**1** <sup>1</sup>Yesu Kristo Anutugât nanŋe yâkgât den pat âlepŋe aregât keiŋe amâ hin. <sup>2</sup>Propete siâ kotŋe Yesaia, yâkŋe den hinâk kulemgoep, Nune hoŋ bawane magaŋmâ huŋgun aŋdere laune lokom gâŋgât ulikŋân akgiŋmâ dâp heŋgemgo giŋbiap. <sup>3</sup>Hân pumâŋgen manmâ luâk hin makyengim manbiap, “Kembu Humo togowiapgât dâp megatbei. Gimbâŋe ukuleŋe me kundet kokoŋe hâgâm kigilikmâ ârândâŋ ketugumbiâ dâp huraguâk.”

Yesaiaŋe hain kulemgoep aregât bunŋe akto Yohane togoep. <sup>4</sup>Togom tuân katyekberâm keiŋe katmâ hân pumâŋgen arimbo luâk âmbâle togombiâ hin makyengiep, “Bâleŋeyeŋe makmâ miawakbiâ âmâ Humoŋe are ekmâ dosayeŋe bo akyengiâk dâmbô bo akyengimbo tu puli yeŋgiwe.” dâep. <sup>5</sup>Hain dâmbô hân humo siâ kotŋe Yudaia aregât ambolupŋe dondâ akto kepia siâ kotŋe Yerusalem are ambolupŋe dondâ arekŋe yâkgâlân togom bâleŋeyeŋe makmâ miawakbiâ Yohaneŋe Yodaŋ tuân katyegep. <sup>6</sup>Yohane hâk pekeŋe yo hâkŋe akto tâkŋe pânân lalagep akto sotŋe kendemuŋ akto mumak koaŋe neminep. <sup>7</sup>Hain akmâ hin dâminep, “Hâmbâi luâk siâ togom penâniŋdo nâ yânŋe akmâ yâkgât ito goliandere ârândâŋ bo akbop. <sup>8</sup>Akto nâŋe âmâ tu yânŋe puli yektân. Dâ yâkŋe âmâ Heakŋe magaŋdo kaut yeŋân meyekbiap.” Yohaneŋe Humogât hain dâep.

<sup>9</sup>Sop ainâk Yesu Nasarete kepiamba Galilaia hânân togombo Yohaneŋe Yodaŋ tuân mem puliep. <sup>10</sup>Hain akto Yesuŋe tu hepunmâ gambo âmâ ainâk himbim dâpŋe pâroŋ âgâmbô Anutugât Heakŋe arekŋe kembâ akmâ gem gem Yesugât kautŋân mendo egep. <sup>11</sup>Akto himbimânba Anutuŋe hin magaŋep, “Gâ nâŋgât nanne, nâŋe gekmâ ukenŋe aktân. Akto biwine heroŋe aktâp.” dâep. <sup>12</sup>Himbimânba den hain dâmbô ainâk Anutugât Heakŋande Yesu kewugumbo hân kamitŋangen ariep. <sup>13</sup>Arimbo ain hândâk hilâm 40 mando sinduk baniara bâleŋe areyengât

humo yeŋe arekŋe bâliâk dâm magaŋmâ biwiŋe dop kom hiangŋiep. Hiangŋim mando Yesuŋe kârikŋe akmâ malep. Kârikŋe akmâ halângen yo yeŋgât hânân mando aŋelo arekŋe tângoyi.

### Yesuŋe luâklupŋe imbât yeŋgonlep.

<sup>14</sup>Akto Yohane kala busi katbiâ mando âmâ Yesuŋe Galilaia hânân togom Anutugât den pat âlepŋe are makyenŋiep, <sup>15</sup>“Anutuŋe damunyeŋe akbiapgât sop tâlâguâp aregât bâleŋeyeŋe makmâ miawakmâ hamiaŋmâ den pat âlepŋe ire nâŋgâŋet.” hain dâm makyenŋiep.

<sup>16</sup>Den heronŋe are makmâ bam arim Galilaia bātŋum giŋŋân arim luâk emi teu lâuwâ Anderea akto Simoŋ yelegep. Yâk iŋan âi meme luâk aregât bātŋumân ŋalu ŋalu yetŋe panmâ kiliat. <sup>17</sup>Âi are mem kinbela Yesuŋe hin dâm makyetkiep, “Gaet. Gambela nâ olop manne. Iŋangât âi mem mandat are hepunbela nâŋe luâk yeŋgâlân âi membiandtgât âi hekat yetkiwe.” dâmbô <sup>18</sup>ainâk âi are hepunbela Yesu olop ariyi. <sup>19</sup>Akto Yesuŋe baine luâk kotŋe Yeweri aregât nanlogâtŋe Yakobo akto Yohane kinbela yelegep. Yelekto yâk waŋgan tatmâ iŋangât ito yetŋe hâreagep are parutmâ heŋgemgom tatbela yelekma yetkolep. <sup>20</sup>Yetkondo nâŋgâm eweyetŋe Sebedαιο are akto âi luâklupŋe waŋgan tatbiâ hepun yekmâ Yesu olop manbaet dâmbela Yesu olop ariyi.

### Yesuŋe Niambi walep.

<sup>21</sup>Akto yâkŋe Kapanaum kepiam arimbiâ hilâm âi bo meme sopŋe Sarere akto Yesuŋe kepia aregât den opmânŋân âgâmbô hoŋ bawalupŋe akto kepia ambolupŋe âgâmbiâ den pat âlepŋe are makyenŋiep. <sup>22</sup>Makyenŋimbo luâk âmbâle arekŋe nâŋgâm bâtyeŋe dâtyeŋân igim kinmâ hin dâyi, “Nengâlân gâtŋe den kârikŋe hekat nengi nengi luâkŋe maknengimbiâ âmâ nâŋgâenŋe porap porap akmap. Dâ den amboŋe irekŋe âmâ maknengimbo nâŋgâenŋe ârândâŋ aktâp.” dâyi. <sup>23</sup>Hain dâm kinbiâ den opmânân are luâk siâ sinduk baniara bâleŋande mângiep siâŋe kamboŋmâ hin dâep, <sup>24</sup>“Yesu Nasarete kepiam gâtŋe gâŋgât patge nâŋgân. Gâ Anutugât luâk âlepŋe manmat. Anutuŋe huŋgun giŋdo togoen gârâmâ hilip nenguwerâm togoen mon?” dâep. <sup>25</sup>Hain dâmbô Yesuŋe sinduk baniara bâleŋe are hin magaŋep, “Den bo ak. Luâk ire hepunmâ ari.” dâmbô <sup>26</sup>sinduk baniara arekŋe kamboŋmâ luâk are hâkŋe humoâk mem duwuŋ ketugum panmâ hepunmâ ariep. <sup>27</sup>Arimbo luâk âmbâle den opmânŋân tali arekŋe ongâyeŋe hogombo magaŋgi goaŋgi akmâ hin dâyi, “Yei, imâ wan arekŋaet siâ? Imâ pat âlep den keiŋe aŋgâ. Luâk irekŋe kârikŋeŋe olop sinduk baniara bâleŋe makyenŋimbo arekŋe gai lauŋe lokomai.” dâyi. <sup>28</sup>Hain dâm aregât luâk âmbâle hârokŋe magaŋgim arimbiâ Yesugât pat arekŋe sambelem Galilaia hân hârok ârândâŋ agep.

**Yesuŋe dâmbô Petoro hewonŋe âlepŋe agep.**

<sup>29</sup>Akto den opmânŋânba gem Yakobo akto Yohane olop arim âmâ ainâk Simoŋ akto Anderea yetgât emelan âgâyi. <sup>30</sup>Akto Simoŋgât hewonŋe hâkŋe kâlâp akto kundat humo akmâ yiep. Hain akmâ yendo ainâk Yesu aregât maganji. <sup>31</sup>Maganjbiâ Yesuŋe ba bâtŋân mem agalep. Hain akto ainâk hâkŋe sândugembo kundat hepundo sot om yeŋgiep.

**Yesuŋe dâmbô luâk âmbâle dondâ âlepŋe agi.**

<sup>32</sup>Emet dâgâmbô kepia ambolupŋande kundatdâ me sinduk baniara bâleŋande meyegi are meyekmâ arim <sup>33</sup>Yesuŋe emet talep aregât hânŋi ginŋân mendugu yekmâ kili. <sup>34</sup>Akto Yesuŋe kundatdâ keiŋe keiŋe mem âlepŋe ketuguyegep. Akto luâk sinduk baniara bâleŋande meyekmai are sinduk yeŋe watyekto ariyi. Sinduk baniaranŋe yâkgât keiŋe nânŋâyigât makbâi aregât makmâ hâreyeŋgiep.

**Yesuŋe Galilaia hân humo aregât kepia hârok manmâ makyenŋim malep.**

<sup>35</sup>Akto emet boâk hauŋdo hândâkŋân Yesu agatmâ kepia are hepunmâ hân pumângen arim Anutu maganŋep. <sup>36</sup>Maganŋdo Simoŋ galarânŋe agatmâ ekbiâ bo akto yâgâten ariâp dâm undâgâlanŋmâ ariyi. <sup>37</sup>Arim ekmâ, “Luâk âmbâle biwirânŋe undâgât giŋdâi.” dâyi. <sup>38</sup>Hain dâmbiâ hin makyenŋiep, “Nânŋe den âlepŋe makyenŋiwerâm aktere kepia siâ siâ ewumâk ewumâk ariwaen. Nâ âi ire memberâm togoân aregât kepia ewumâk ewumâk ariwaen.” dâep. <sup>39</sup>Akto Galilaia hân humo aregât kepia hârok manmâ den opmânŋe ârândânŋe âgâm den pat âlepŋe are mem makyenŋim malep. Hain manmâ sinduk baniara bâleŋe watyekmâ malep.

**Yesuŋe dâmbô hâk bâle bo agep.**

<sup>40</sup>Luâk diwi kârikŋe miawaganŋdo malep siânŋe Yesugâlân arim pâwutŋe ligim katmâ ulilanŋmâ hin dâep, “Yesu gânŋe kundatdâ yekmâ âlepŋe akŋet dâmenâ âlepŋe akmai. Aregât nânŋât gain gain nânŋât?” dâep. <sup>41</sup>Hain dâmbô Yesuŋe han kalem bâtgumŋaet akmâ okotŋe nânŋâm bâtŋe hâkŋân katmâ hin maganŋep, “Nânŋâ giŋdân aregât diwige pandagâk.” dâmbô <sup>42</sup>ainâk diwiŋe pandakto hâkŋe âlepŋe agep. <sup>43</sup>Akto ainâk luâk are huŋgunanŋmâ hin maganŋep, “Nânŋât? Gânŋe iregât pat bo makyenŋiwen. <sup>44</sup>Dâ Moseŋe hin dâep, “Gânŋât kundat bo akto sumbe kat kat luâk gâlân arimenâ gekmâ diwige emelâk pandak giŋdâp aregât sumbe o dâm makgiŋdo soŋgo waŋmenâ ombiap. Akto ainba luâk âmbâle hârok sumbe kat kat luâk arekŋe makyenŋimbo nânŋâmbiâ âmâ hutyeŋân âlepŋe manben.” Moseŋe hain dâep aregât den are lokowen. Akto diwi bo akgiŋdâp aregât pat bo makyenŋiwen.” dâep.

<sup>45</sup>Hain dêp are bonângâm arim makyengim malep. Makyengimbo den arekne sambelem ariep. Ariepgât Yesu kepia humoân arimbo luâk âmbâle dondâ gam turuŋ aŋbiâ, “Gain gain akbian.” dâm aregât kepia tuŋguŋângen malep. Akto ain luâk âmbâle bikenba bikenba Yesugâlân togoyi.

### Yesu luâk bâte keŋe kârigem malep are heŋgemgoep.

**2** <sup>1</sup>Yesu hilâm siân purik katmâ Kapanaum kepien arim emetjân âgâep. Akto yâkgât den pat arekne sambelem arimbo kepia aregât ambolupjande nângâm yâkgâlân togoyi. <sup>2</sup>Togom luâk âmbâle dondâne emet kâlegen tatmâ hânŋi gisapkoyi. Hain akbiâ den pat âlepne are makyengiep. <sup>3</sup>Akto luâk imbât akmâ luâk siâ kei bâte kârigem agep are lokom luâk bikne olop togoyi. <sup>4</sup>Lokom togo luâk âmbâle dondâne enemjân kinbiâ yekmâ lokom tirekjanba emet bokjân gam âgâyi. Âgâm Yesu emet talep are bokne gagaimbiâ dâpne miawakto arewa temdâk katbiâ giep. <sup>5</sup>Enemjân gembo biwiyene yâkgâlân kali aregât nângâm hin maganep, “Gala gângât dosa bo aktâp.” dêp. <sup>6</sup>Hain dâmba luâk Mosegât den kârikne makmâ kepigi arekne maganŋi goanŋi akmâ hin dâyi, <sup>7</sup>“Luâk ire wangât hain maktâp? Anutuŋe konok âmâ dosa pulimap. Anutugât kot bâliwopgât den are hepulâk.” dâyi. <sup>8</sup>Hain dâmbiâ den are nângâm âmâ hin makyengiep, “Wangât biwiyenân hain nângâi? <sup>9</sup>Gain gain arekne owâiŋe? Luâk bâlene hin dâm maganberân, “Dosage puliginjere Anutuŋe hâuŋe bo giŋbiap.” hain dâm me hin dâm maganberân, “Agatmâ tem tâkge are hulaŋmâ loko akmâ ari.” <sup>10</sup>Aregât maktere nângânet. Nâ luâk akmâ geângât dosayeŋe hepunyengiwangât Anutuŋe dâm niŋep aregât keŋe ekmâ nângânet.” dêp. Hain dâm benŋe luâk miwindik akmâ yiep are hin maganep, <sup>11</sup>“Nâ makginjere nângâ. Gâ agatmâ tem tâkge are hulaŋmâ loko akmâ emetgân ari.” dêp. <sup>12</sup>Hain dâmba tem tâk are lokoakmâ emetjân ariep. Akto luâk âmbâle ain kili arekne ekmâ bâteŋe dâtyenân igim hin dâyi, “Wei, Anutu konok âlep âlepne dondâ akmap. Nen ire bo ekmaen ina uŋak konok pup pup ekten.” dâyi.

### Yesu Lewi âigât konlep

<sup>13</sup>Yesu bâtegum humo ginjân giep. Gembo luâk âmbâle hârok Yesu ekberâm gembiâ Anutugât den pat âlepne are makyengiep. <sup>14</sup>Benŋe ainba arim luâk siâ kotne Lewi Alipaiogât nanŋe arekne gawaman yengât puli emetjân tato Yesu maganmâ hin dêp, “Nâ olop manbaetgât gamenâ arire.” dêp. Akto Lewiŋe puligât âi hepunmâ puli emetjânba gembo Yesu olop ariyat. <sup>15</sup>Yesu kewuguyekto arim Lewigât emelan tatmâ Yesu akto hoŋ bawalupne sot neyi. Akto sop ain puli meme luâk bikne akto luâk bâlene meme siâ hainâk olop Yesu olop tatmâ sot neyi.

Amâ luâk âmbâle biwirâ watmâ maligât. <sup>16</sup>Akto Anutugât den hekat yengi yengi luâk bikŋe kotyeŋe Parisaio bikŋande Yesuŋe puli meme luâk akto luâk bâleŋe hutyeŋân tatmâ sot nendo ekmâ Yesugât hoŋ bawalupŋe hin dâm makyenŋiyi, “Wangât humoyenande dosa luâk akto puli meme luâk are yengât hutyeŋân tatmâ sot nendâp?” dâyi. <sup>17</sup>Hain dâmbiâ Yesuŋe den are nâŋgâm Parisaio luâk are hin makyenŋiep, “Luâk âlepŋande dokta yengâlân bo arimai. Luâk kundatdâŋe amâ dokta yengâlân arimbiâ heŋgem yengumbiâ âlepŋe akmai. Akto nâ hainâk luâk nen dosanenŋe bo dâm mandâi are âmâ hepunyekman. Dâ luâk bâleŋe meme akto dosayeŋe olop are âmâ heŋgem yenguerâm geân.” dâep.

### Sotgât hanoko agi aregât den.

<sup>18</sup>Akto sop ain Yohanegât hoŋ bawalupŋe akto Parisaio luâk yâkŋe Anutu manŋanminigât sot bâlâk yân mali. Akto luâk bikŋande Yesugâlân togom hin dâm magaŋi, “Yohanegât hoŋ bawalupŋe akto Parisaio luâk yâkŋe Anutu kambiamŋe âlepŋe agâkgât sot bâlâk manmai. Dâ gâŋgât hoŋ bawalupŋe amâ hilâm ârândâŋâk sot nemâk manmai.” dâyi. <sup>19</sup>Hain dâmbiâ Yesuŋe hin makyenŋiep, “Luâk siâ âmbâle membiapŋe galalupŋe olop hero âlepŋe manmai aregât galalupŋe okot âlep akyenŋim sot ondo nemai. <sup>20</sup>Sot om nem heroŋe akmâ manbiâ gasalupŋe galayeŋe are membiâ kulâgâlâŋbiâ bo akto amâ galalupŋe biwi bâle akmâ sot bâlâk manmai. <sup>21</sup>Nen sâŋgum tâmbâŋe tokto dâpŋe humo akbop dâm sâŋgum irakŋe bo puli puliŋe are katmâ bo parutmaen. Hain akmâ dâine tuân pulienŋe irakŋe gâwigem tâmbâŋe are oloŋdo tokto dâpŋe humo dondâ miawakbop. <sup>22</sup>Akto nen amâ waiŋ tu irakŋe yo hâkŋe tâmbâŋân bo kâienŋe gemap. Hain akmaen dâine waiŋ tuŋe arekŋe yo hâkŋe tâmbâŋe are mendo bim âgâm hogoakbop. Akto waiŋ akto soŋgo hâkŋe lâuwâ lâuwâ bâliwat. Aregât waiŋ irakŋe yo hâkŋe irakŋân gembo âlepŋe akmap.” dâep.

### Sarere âi bo meme sop aregât den.

<sup>23</sup>Âi bo meme sopŋe Sarere siân Yesu akto hoŋ bawalupŋe âi kalam hutŋânba ariyi. Arim hoŋ bawalupŋe sengo konok konok mem nem arim manbiâ <sup>24</sup>Parisaio luâkŋe yekmâ Yesu hin magaŋi, “Ek, hoŋ bawalupŋe âi bo meme sopŋân siâ me siâ bo agakgât âi are akbiâ ârândâŋ bo aktâp.” dâyi. <sup>25</sup>Hain dâm hâwâtbiâ Yesuŋe hin makyenŋiep, “Anutuŋe makto kulemgoyi yendâp are siâ oyaŋmâ nâŋgâmai me bo? Ulikŋân sumbe kat kat luâk areyengât humoyeŋe kotŋe Ambiata malep, <sup>26</sup>sop ain Dawidiŋe Anutugât sumbe kat kat emetŋân âgâm sotgât momberâm akto Abiatanŋe sot kâmbokŋe waŋdo niep. Akto bikŋe hoŋ bawalupŋe yengimbo neyi. Akto sot are amâ sumbe kat kat luâk arekŋeak nemini. Dâ luâk yânŋe me Anutugât opmânân bo âgâmini

arekne âmâ sot are bo nemini. <sup>27</sup>Aregât hin nângânet. Anutuŋe hilâm iregât luâk ketugum hilâm ire tângoŋet bo dâep. Anutuŋe luâk heronje akŋet dâm aregât hilâm ire makmâ kalep. <sup>28</sup>Akto luâk akmâ geân nâŋe Sarere âi bo meme sopŋe aregât kautje akmâ mandân.” dâep.

### Sarere siân Yesuŋe luâk siâ heŋgemgoep.

**3** <sup>1</sup>Yesuŋe Sarereân den opmânŋân âgâm luâk bâteŋe bâleŋe siâ ain tato egep. <sup>2</sup>Âgâmbo luâk kotyeŋe Parisaio arekne ekmâ magaŋgi goaŋgi akmâ hin dâyi, “Yesu denân katbaengât gain gain akmâ keiŋe ekne. Dâ luâk bâteŋe bâleŋe indâre magaŋdo âlepŋe akto ekmâ âmâ Sarereân âi mendâpŋât dâm denân katbaen.” dâyi. <sup>3</sup>Dâmbiâ âmâ Yesuŋe luâk bâteŋe bâleŋe are hin dâm magaŋep, “Agatmâ dewunyeŋân kin.” dâmbo agatmâ kindo <sup>4</sup>Parisaio are hin makyenŋiep, “Moseŋe den kulemgoep are gain gain tatâp? Hombaŋ sopŋân âlepŋe akbei dâep me bâleŋe akbei dâep? Me luâk mem heŋgem yeŋguwaen dâep me hilip yeŋguwaen dâep?” dâm makyenŋimbo denyeŋe nâŋâk kili. <sup>5</sup>Kinbiâ hanyeŋe kârikŋe agep aregât biwiŋe umatje akto purik gurik akmâ luâk are yekmâ peiyekmâ luâk bâteŋe bâleŋe are hin magaŋep, “Bâtge panmenâ agalâk.” dâmbo pando âlepŋe akmâ agalep. <sup>6</sup>Agato Parisaio luâkŋe arim humoyeŋe kotje Herote yâkgât tembe lokolupŋe olop mendugum hin magaŋgiyi, “Nen gain gain akmâ Yesu kondeneŋe mombiap.” dâyi.

### Yesuŋe luâk âmbâle dondâ makyenŋiep.

<sup>7</sup>Yesuŋe hoŋ bawalupŋe meyekto Galilaia bâteŋum dâtŋânŋen ariyi. Arimbiâ Galilaia hânâŋenba luâk dondâ Yesugât den nângâyigât eknerâm togoyi. <sup>8</sup>Togom luâk dondâ siâ siâ Yudaia hânâŋenba akto Yerusalem kepiansa akto Idumaia hânâŋenba akto Yodaŋ tu bikenba akto kepia lâuwâ kotyetje Tiro akto Sidoŋ areŋenba luâk âmbâle dondâ yâkgâlân togoyi. <sup>9-10</sup>Hârok togom mendugum kinbiâ Yesuŋe emelâk luâk âmbâle dondâ heŋgem yeŋguel aregât luâk âmbâle dondâŋe howaim âlepŋe akberâm togoyi. Togom papalakmâ kombâigât waŋga are membiâ gutmâ enemŋânâk kilâkgât hoŋ bawalupŋe makyenŋiep. <sup>11</sup>Makyenŋimbo sop ain sinduk baniara arekne togo ekmâ hânân gem kârikŋeâk konmâ hin dâyi, “Gâ Anutugât nanŋe.” dâmbiâ <sup>12</sup>ainâk kârikŋeâk konmâ den yeŋguel. Den yeŋgum hin makyenŋiep, “Ya maktâi are lâuwâŋe bo makbei. Patnande sambelewopgât bo makyenŋiwei.” dâep.

### Yesuŋe aposololupŋe meyegep.

<sup>13</sup>Akto Yesuŋe gimbanŋân âgâwerâm akto luâk âmbâle dondâ olop âgâyi. Akto Yesuŋe hoŋ bawalupŋe bikŋe nunaet dâtâŋe dâm yeŋgonlep. Yeŋgondo enemŋân ba tali. <sup>14</sup>Ba tatbiâ âmâ ikiŋe olop manbaigât akto huŋgunyeŋgimbo

den patnje makyengimbiâ nângâwaigât yengonlep. <sup>15</sup>Akto sinduk baniara bâleje watyengiwerâm manbaigât luâk keiân lâuwâ meyegep. <sup>16</sup>Amâ kotyene hin. Simonj kotge irakne gogonbe dâm Petoro dâm kolep. <sup>17</sup>Akto Sebediao nanlogâtne kotyetne Yakobo akto Yohane, kârikne akmandatgât kotyetne Boanerges yetkolep aregât purikne amâ himbim kururudâp. <sup>18</sup>Andrea, Pilipo, Batolomaio, Mataio, Toma, akto Alipaioigât nanje kotne Yakobo, Tandio, akto luâk siâ Roma yengât hâkânj agi areyengâlân gâtne siâ kotne Simonj <sup>19</sup>akto kepia siâ kotne Karioto ain gâtne siâ aregât kotne âmâ Yudasi arekne manmâ beirânjângen Yesu gasa aganjep.

### Yesuje Anutugât wâtjân kinmâ sinduk baniara bâleje watyegep.

<sup>20</sup>Gimbânjâmba gem Yesu olop emelan âgâmbiâ luâk âmbâle dondâ arekne togo turunyekbiâ Yesugât hoj bawalupjânde hin dâyi, “Luâk âmbâle dondâ irekne emet pikbiâ âmâ gain gain sot nemberen?” dâyi. <sup>21</sup>Hain dâmbiâ Yesugât ginbailupjânde den are nângâm hin dâyi, “Yesu nângâ nângâje gulip akto aregât arim mene.” dâyi. <sup>22</sup>Akto Mosegât den kepikmâ makyengimini are Yerusalem kepianba togoyi arekne hin dâyi, “Sinduk baniara bâleje yengât humoyene kotne Besebulu arekne Yesu kautjân mendo yâkgât kârikjân kinmâ sinduk baniara bâleje watyekmap. Akto sinduk humoyenande tângombo sinduk baniara bâleje watyekmap.” dâmbiâ nângâep. <sup>23</sup>Aregât yengondo togombiâ den ginje ginje siâ siâ makyengiep, “Sinduk baniara humoyene Niambi arekne ikiye kâmotlupje watyekmap dâine yâk akto ikiye kâmotlupje bo akbâi. <sup>24</sup>Akto luâk kepia konokje potalakmâ hanâk hanâk agumbiâ kepia are pum yembop. <sup>25</sup>Me kâmot siâ aregât luâkne potalakmâ gasa hanâk aganjimbiâ âmâ kâmot are bo akbiap. <sup>26</sup>Me Niambigât sinduk banialupjânde potalakmâ agumbiâ dâine Niambi kârikne bo miawaganjop. Akto Niambi akto kâmotlupje bo akbâi. <sup>27</sup>Me luâk siâje luâk kârikne siâgât emelan âgâm wan me wan kâmbu meanberâm akbiap. Hain akmâ gain gain memberâm yonâk âgâmbo amboje asiñ yendo tâkne keje båtje hikom pando yendo âmâ âlepne wan me wan ekmâ pitiwiap.

<sup>28</sup>Aregât den bunje hin makyengire nângâjet. Luâk siâ bâleje mem manmai bâleje me Anutugât kot mem bâlianjmâ sârek konmai aregât dosa Anutuje kutigitbiapgât dop tatâp. <sup>29</sup>Gârâmâ luâk siâje Anutugât Heakne amâ bâleje dâm makmâ bâlianjmâ sârek konbiap âmâ luâk aregât dosa Anutuje pulianbiapgât dop bo yendâp. Anutugât Heakne amâ bâleje dondâ dâmbiâ âmâ dosa are ekmâ hainâk yejâk.” dâep. <sup>30</sup>Yesuje Anutugât Heakne aregât kârikjân kinmâ âi mendo ekmâ yâkne nângâm hilip koyi aregât den hain makyengiep.

### Yesugât memene emilupje.

<sup>31</sup>Den hain dâm makyengimbo memene emilupje togom betgen kinmâ, “Teunenje ge.” dâm siâ hunjunañi. <sup>32</sup>Hunjunañbiâ gambo luâk

âmbâle Yesu ketokmâ emelan tali arekne Yesu hin magani, “Memege emilupge betgen kinmâ kulâgât giŋdâi.” dâyi. <sup>33</sup>Hain dâmbiâ Yesuŋe hin makyenŋiep, “Niŋema memene me emilupne aktâi?” <sup>34</sup>Hain dâm turuŋaŋmâ tali are yekmâ hin dâep, “Nâŋgât memene akto emilupne garilupne amâ ire. <sup>35</sup>Akto Anutugât lau lokomai yeŋe âmâ nâŋgât memene akto emilupne akto garilupne aktâi.” dâm makyenŋiep.

#### Anutugât den aregât dâp.

**4** <sup>1</sup>Yesuŋe hilâm siân bâtgum ginŋân gem den pat âlepne makyenŋiep. Makyenŋim âmâ luâk âmbâle dondâ togo mendugumbiâ âmâ waŋgan âgâep. Luâk âmbâle togoyi are bâtgum dâtŋân kinbiâ makyenŋiwerâm waŋga siân âgâm getek baep. <sup>2</sup>Bam bâtgum ginŋân kinmâ den ginŋe dondâ makyenŋiep. Are hutŋân den ginŋe siâ hin makyenŋiep, <sup>3</sup>“Luâk siâŋe ŋeŋgo alekne are hânân urutmâ âiâŋgen ariep. <sup>4</sup>Hain akmâ arim uruto alekne bikne âmâ dâwân ge yiep are âmâ lâutne dowâk togo nem meteyi. <sup>5</sup>Dâ bikne âmâ hân bawalawân ain ge yiep arekne pâtkombo kâmne dowâk gambo <sup>6</sup>dewutâ kârikne pando kândârâŋe tâlâwâkgât dipkom moep. <sup>7</sup>Dâ bikne âmâ hele hewukne humo yiep are hutŋân ge yiep arekne sopŋân pâtkom kâmne gambo hewukne âkâ hainâk gam kârikne akmâ sot tigimbo bunŋe bo agep. <sup>8</sup>Akto ŋeŋgo alekne bikne âmâ hân kelurâ ain ge yiep are bikŋande pâtkom agatmâ bunŋe âlepne agep. Dâ bikŋande âmâ pâtkom agatmâ bunŋe âlepne dondâ agep. Akto bikŋande âmâ pâtkom agatmâ bunŋe humomo âlepne dondâ akmâ bikne hârok ewangiyegep. <sup>9</sup>Gârâmâ ye den ire nâŋgâm biwiyeŋân katmâ heŋgemgom manbei.” dâep.

#### Sot kâmelep aregât keiŋe.

<sup>10</sup>Akto luâk âmbâle hârok arim metembiâ bikne konok konok kili are akto hoŋ bawalupne keiân lâuwâ arekne Yesu hin aikoyi, “Den ginŋe maknengiât are keiŋe gain gain?” dâyi. Hain dâmbiâ hin makyenŋiep, <sup>11</sup>“Anutuŋe damunyene akmap aregât keiŋe makyenŋiân. Gârâmâ luâk bikne Anutuŋe damunyene akmap aregât keiŋe bo nâŋgâm heŋgemgomai aregât den ginŋe ire makyenŋiân. <sup>12</sup>Anutuŋe makto siâŋe kulemgoep are bikne hin tatâp,

“Luâk bikne ondopyeŋe mem gisapkom âmâ bo nâŋgâmai.

Akto dewunyene mem tigim âmâ bo ekmai. Amâ hingât.

Biwiyeŋe nâŋgâlân katbiâ dosayeŋe puliyenŋiwomgât den bo heŋgemgomai.” Anutuŋe hain dâep

are bunŋe agâk dâm luâk hainare yâk den ginŋeâk makyenŋiman.

<sup>13</sup>Akto yeŋe âmâ den ginŋe nâŋgâm heŋgemgomai dâre bo nâŋgâm heŋgemgomai aregât gain gain maktere âmâ âlepne nâŋgâwai? Den ginŋe maktân aregât keiŋe hin makyenŋire nâŋgâŋet. <sup>14</sup>Luâk sot koaŋe



urutmâ manmap arekŋe âmâ Anutugât den pat are makyenġimâp. <sup>15</sup>Dâ koaŋe dâwân ġiep are âmâ wan? Hân are âmâ luâk manmai ire. Gârâmâ luâk siâ den âlepŋe areġât nânġâmbo amâ ainâk sinduk baniara yeŋġât humoyeŋe kotŋe Niambi arekŋe dowâk togo den âlepŋe biwiŋân kinmap are kondo momap hainare. Akto hanyeŋe purik katbop dâm den âlepŋe are mem heambukmâ gem arimâp. <sup>16</sup>Dâ koaŋe kât kakŋân palepġât maktân are âmâ luâkŋe hin akmai. Luâk are âmâ hân areġât dop hainare yâkŋe âmâ Anutugât den âlepŋe nânġâm manmâ heroeŋe akmai. <sup>17</sup>Akto hanyeŋân kândârâŋe bo yeyeŋimâpġât sop pân konok mem manbai gârâmâ Anutugât dengât gasa akto bugâ miawakto ainâk hamep akmâ den are hepunmai. <sup>18</sup>Dâ koaŋe hele hewukŋe yiep are hutŋân palep. Hân areġât dopŋe âmâ luâkŋe akmai. Luâkŋe den nânġâm kinmâ manmâ âmâ <sup>19</sup>benŋe manman ireġât hanokoakmâ âmâ hânġât siâ me siâ areġât egâlianġ gogâleaŋ akmâ puli sikumġât ukenŋe akmâ areġât egâlianġmai. Arekŋe gem biwiyeŋân den areġât hanyeŋân tigimbo bunŋe bo miawakmap. <sup>20</sup>Dâ hân âlepŋân urulep hân areġât dop âmâ luâkŋe aktâi. Yâk âmâ luâk âmbâleŋe Anutugât den pat âlepŋe mem manmâ agak meme âlepŋe akmâ manbiâ Anutuŋe yekto ârândânġ akmap. Dâ bikŋande nânġât den lokomai are âmâ agak meme âlepŋe akmai. Dâ bikŋande hain akmâ agak meme âlepŋe dondâ akmai. Dâ bikŋande âmâ agak meme âlepŋe hârok penâyeŋimâp.” Yesuŋe hain dâep.

#### Pagaleŋaet dop.

<sup>21</sup>Yesuŋe luâklupŋe den ġinŋe siâ hin makyenġiep, “Kâlâp ululunŋe emet kâlegen mem âġâm kau kakŋân katmaen. Amâ emet kâleŋe pagaleâk dâm âmâ kau kakŋân katmaen. Akto hândâk akbop dâm âmâ umbâ kâlegen bo katmaen. Me dâġâmŋe bo tigimaen. <sup>22</sup>Siâ me siâ tiwâk yemap are yem bo yembiap. Are Anutuŋe mem miap panbiap. Dâ siâ me siâ akmâ totokom heambukmai are gai hainâk yem bo yembiap. Are mem hulaŋmâ metewiap. <sup>23</sup>Gârâmâ ye den ire nânġâm biwiyeŋân katmâ heŋgemgom manbei. <sup>24</sup>Amâ den siâ me siâ hokboâk hokboâk nânġâm potatmâ manbei. Yeŋeak siâ me siâ akmâ mem yeŋġiwai âmâ dop hainâk Anutuŋe gai hainagâk purikatyeŋġiwai. Akto areâk bo. Umatdâk yeŋġiwai. <sup>25</sup>Akto luâk siâ wan me wan lokomap me nânġâmâp are damun akmâ mando âmâ hâmbâi Anutuŋe humoâk waŋbiap. Dâ luâk siâŋe wan me wan bâlensiâ mem manmap are Anutuŋe bâtŋânba keŋgoŋmâ membiap.” dâep.

#### Sot pâtkomap areġât den ġinŋe.

<sup>26</sup>Hain dâm kinmâ siâ hin makyenġiep, “Anutuŋe damunyeŋe akberâm akmap areġât dopŋe hin. Luâk siâŋe arim wan me wan koaŋe kâmetmap. <sup>27</sup>Akto golâ manmâ me yem mando koaŋe arekŋe hogoakmâ kâmŋe

gamap. Akto luâkŋe aregât keiŋe bo ekmap. <sup>28</sup>Hân arekŋeak tângombo hogoakmâ ulik gulik kâmŋe gamap. Haminjân esenŋe katmap. Haminjân bunŋe miawakmap. Akto bâiŋe âmâ bunŋe humo miawakmâ âlim yemap. <sup>29</sup>Âlim yendo âmâ ainâk luâk arekŋe, “Emelâk bunŋe akmâ âlim yendâp.” dâm âmâ tâwât mem arim oremap.” dâep.

#### Lâwin koaŋe aregât den.

<sup>30</sup>Hain dâm siâ hin makyenŋiep, “Anutuŋe damunyeŋe akmapgât dâpŋe gain gain makyenŋire nânŋâwerâi? Anutuŋe damunyeŋe akmap aregât keiŋe âmâ hin. <sup>31</sup>Lâwin koaŋe bâlensiâ lâwin bikŋe koaŋyeŋe aregât bikŋân gegeŋe akmap. <sup>32</sup>Gârâmâ koaŋe ire âmâ kâmetenŋe humo akmâ siânba ewangiyekmâ lâwin humomo akmap. Akto aregât bât bâtŋân lâutuŋe togo tatmai.” dâep. <sup>33</sup>Yâkŋe den keiŋe keiŋe hârok makmâ den âlepŋe are luâk âmbâle hârok togombiâ den ginŋân makyenŋim malep. Akto luâk âmbâle bikŋe nânŋâ nânŋâyeŋe dopŋân makyenŋim malep. <sup>34</sup>Dâ den miawâk âmâ bo makyenŋiep. Gârâmâ hoŋ bawalupŋe olop yeŋeâk manmâ âmâ Anutuŋgât den aregât keiŋe are makmâ miawak yeŋiep.

#### Yesuŋe seru magaŋdo sândugiep.

<sup>35</sup>Sop ainâk emet dâgâambo hoŋ bawalupŋe hin makyenŋiep, “Nen bâtgum biken arine.” dâambo <sup>36</sup>luâk âmbâle dondâ are hepun yekmâ waŋgan âgâm ariyi. Waŋgan arimbiâ waŋga siânba watyekbiâ olop ariyi. <sup>37</sup>Bâtgum biken ariwerâm akbiâ âmâ seru humo togombo bâtgumŋe kaulem waŋga kâlegen gembo pikberâm agep. <sup>38</sup>Akto Yesu âmâ waŋga haminjânŋen dâgâmŋe kautŋe korânŋe katmâ asiŋ yem tato hoŋ bawalupŋande goaŋbiâ agato hin dâyi, “Haruân gewerâm akten aregât nengât okotge nânŋât me bo?” dâyi. <sup>39</sup>Hain dâmbiâ agatmâ kinmâ seru hin magaŋep, “Nânŋâgâ.” dâambo nânŋâgâep, “Seru nânŋâgâ.” dâambo nânŋâgâambo harugât magep, “Bâin nânŋâgâm yeâk.” dâambo haru nânŋâgâm yiep. <sup>40</sup>Seru akto haru nânŋâgâm yembela hoŋ bawalupŋe hin makyenŋiep, “Wangât hamep aktâi? Bo nânŋâniŋmâ kepilâm manmâ gayi mon?” hain dâm makyenŋiep. <sup>41</sup>Hain dâambo hamep dondâ akmâ onŋâyeŋe hogombo magaŋgi goaŋgi akmâ hin dâyi, “Ire luâk me wano? Seru akto bâtgum yetgât makto lauŋe lokoat ire gain gain aktâp?” dâyi.

#### Yesuŋe sinduk baniara watyekto bau yeŋgât biwi yeŋân geysi.

**5** <sup>1</sup>Yesu akto hoŋ bawalupŋe waŋgan arim bâtgum hâtikom kepia siâ kotŋe Gerasene ain togoyi. <sup>2</sup>Togom waŋganba sopanmâ âgâmbiâ luâk siâ sinduk baniara bâleŋande kautŋân miep arekŋe Yesu egep. <sup>3</sup>Luâk are sum kâlegen manminep. Akto hân dâpŋân manminep. Hain akmâ manmâ metŋe akto kepia aregât ambolupŋande tâkŋe keiŋe bâtŋe

hikom mendugumini. Hain akbiâ bo akminep. <sup>4</sup>Luâkne hilâmne hilâmne keiņe båtne dâgâm mendugumbiâ tâk hâreminep. Akto tâk kârikne kotne sein arekne dâgâmbiâ oloņ akmâ âi humo mem hâreminep. Akto siânbaņe gala katberâm togombiâ kârikne akto hepunmini. <sup>5</sup>Luâk sinduk baniara bâleņande kautņân miep arekne hilâm hândâk ârândân sumân me tâumņân yem agatmâ kamboņmâ manminep. Akto kât pitim ikiņe aguminep. <sup>6</sup>Akto Yesu togombo luâk arekne Yesu kâlewângen togom mando ekmâ yâkgâlân pârigim togom enemņân kâņgoep. <sup>7-8</sup>Kâņgom kindo Yesuņe sinduk baniara bâleņe aregât hin dâep, “Gâ luâk iregât biwiņânba hepunmâ ari.” dâmbô luâk arekne kamboņmâ indem hin dâep, “Yesu, gâmâ Anutu Humogât nanņe. Anutuņe nâņgâmbô ârândân agâkgât nâņgât den loko. Gâ hâk hilâlâm âi bo niņ.” dâep. <sup>9</sup>Hain dâmbô hin magañep, “Kotge niņe.” dâm aikombo, “Nâ kotne dondâ. Nen dondâ manden aregât kotne dondâ.” dâep. Hain dâm kârikne akmâ hin ulilaņep, <sup>10</sup>“Sinduk baniara bâleņe are watyekmenâ kâlewângen bo ariwerâi.” dâep. <sup>11</sup>Akto hân are peleņņân bau dondâ siâ hemem kautne tete tâmut nem mali. <sup>12</sup>Akto sinduk baniara dondâ arekne hin magañi, “Maknengimenâ nen bau yeņgât biwiyeņân gene.” dâyi. <sup>13</sup>Hain dâmbiâ nâņgâ yeņgim, “Hepunņet.” dâmbô luâk aregât kautņânba hepunmâ âgâm bau yeņgât biwiyeņân geyi. Gemiâ bau arekne sân sân mem hemem kautņânba tu båt gum humoân gem tu nem metem moyi. Akto bau are getek bo. Dondâ 2,000 hain are geyi. <sup>14</sup>Gemiâ yekmâ damunlupyeņande arim kepia ewumâk ewumâk talep aregât ambolupne makyeņgiyi. Makyeņgimbiâ ekberâm togoyi. <sup>15</sup>Yesugâlân togo ekberâmbiâ luâk sinduk baniara bâleņe dondâne kautņân memini are nâņgâ nâņgâne hulaņ akto hâk peke lalakmâ âleņe tato togom egi. Hain akmâ tato luâk âmbâle togoyi arekne ekmâ hamep akmâ bâtyeņe dâtyeņân igim kili. <sup>16</sup>Ulik gulik egi arekne Yesuņe luâk are wan agañep akto baugât pat are makyeņgimbiâ nâņgâm Yesu hin magañi, <sup>17</sup>“Arimân in nengât hânân ire bo manben.” dâm wârakmâ hâwâtbiâ ariep. <sup>18</sup>Arim waņgan âgâmbô luâk sinduk baniaņe mem hepuli arekne hin dâep, “Nâ gâ olop arire.” dâep. <sup>19</sup>Hain dâm magañdo Yesuņe hin magañep, “Bo. Kepiagângen arim ginbailupge olop manmâ Anutuņe okot nâņgâ giņdâp iregât makyeņgiwen. Akto Anutuņe gâņgâlân kulem humo mem heņgem guguâp iregât pat luâklupge makyeņgiwen.” dâm dengoep. <sup>20</sup>Hain dâmbô purik katmâ arim Yesuņe wan agañep aregât denņe kepia bāt biken hârok ain makyeņgim malep. Makyeņgimbo nâņgâmbiâ dâtne akto bâtyeņe dâtyeņân igim kili.

**Yesuņe dâmbô den emetnaet damun luâk siâ  
yâkgât baratne siâ momoņânba agalep.**

<sup>21</sup>Yesu akto hoņ bawalupne purik katmâ togom waņganba sopanmâ gem nupiân kinbiâ luâk âmbâle dondâne ekberâm togo menduguyi. <sup>22</sup>Hain

akmâ kinbiâ den opmânjaet damun siâ kotje Yairo, arekne togom ekmâ enemjan tatmâ kângeop. <sup>23</sup>Hain akmâ kârikne akmâ hin maganep, “Baratne momberâm aktâp. Gâne gutmâ bätgande howaimenâ âlepne agâk.” dâep. <sup>24</sup>Hain dâm maganjo nânġâm olop ariyat. Arimbela luâk âmbâle biwirâ Yesu ekberâm togo ewumâk kinmâ olop ariyi. <sup>25</sup>Yesu watmâ arimbiâ are yengât hutyejan âmbâle siâ ariep. Yâkgât keine hin. Âmbâle yengât dewutâ gambo kundat akmai dop hain bo akminep. Hilâm ârândânġ gembo mando hombanġ keiân lâuwâ bo agep. <sup>26</sup>Hain akmâ manmâ dokta yengâlân arimbo kundatne bo agâkgât âi membiâ bo akto kundat humo akto malep. Akto kundatne bo agâkgât puli are dokta yengimbo puli bo akto kundat hainâgâk yendo hombanġ keiân lâuwâ akto humo akmâ hainâk yiep. <sup>27</sup>Hainâk manmâ Yesugât patne nânġâm luâk âmbâle arimbiâ are hutyejan arim Yesu howaiwerâm agep. <sup>28</sup>Arim hin nânġâep, “Nâ sânġumneâk howaim âlepne akberân.” dâep. <sup>29</sup>Hain nânġâm howaim ainâk âlepne akto nânġâep. <sup>30</sup>Âlepne akto Yesune hin nânġâep, “Siâne togom nânġât kârikne mem âlepne aktâp.” dâm nânġâm purik katmâ hin aiyenġuep, “Nânġât sânġum niġande howaiâp?” dâep. <sup>31</sup>Hain dâmbo hoġ bawalupġande hin maganġi, “Luâk âmbâle dondâ howai gekbiâ nânġât are konokne bo howai gektâp. Wangât hain maktât?” dâyi. <sup>32</sup>Hain dâm maganġiâ yâkne purikatmâ âmbâle are ekberâm wâragep. <sup>33</sup>Akto âmbâle kundat bo agep arekne nânġâm hamewakmâ hâkne sân sân mendo togom enemjan kânġom ikinne keine hârok maganep. <sup>34</sup>Hain akmâ maganjo nânġâm hin maganep, “Meġ, nânġâniġdâtġât nâ hin makġiġbe. Kambiamge sândugembo arim hâk hilâlâm bo nânġâm manben.” dâep. <sup>35</sup>Hain dâm maganġmâ kindo luâk bikġande Yairo areġât emelanba togom hin dâyi, “Baratge mondâp areġât Humonenne bo hâwâtmenâ inâk talâk.” <sup>36</sup>Hain dâmbiâ nânġâm Yesune den opmânjaet damun are hin maganep, “Biwige nânġâlân katmâ âmâ bo hamewak.” dâep. <sup>37</sup>Hain dâm siânba hepun yekmâ Petoro, Yakobo, akto Yakobogât emiġe Yohane, areâk meyekto ariyi. <sup>38</sup>Arim den opmânjaet damun areġât emelan penianġi. Emelan togombiâ luâk âmbâi gulip tatmâ umbi mem âġâ indem tali. <sup>39</sup>Hain akmâ tatbiâ emet kâlegen âġâm yekmâ hin makyenġiep, “Ye wangât togo indem tatâi? Âmbâi sitnan ire bo mondâp âmâ yân asiġ yendâp.” <sup>40</sup>Hain dâmbo nânġâm giriġanġi. Giriġbiâ âmâ Yesune, “Ekeġet.” dâm watyekto betgen ge kili. Kinbiâ âmbâi sitnan areġât memene eweġe akto hoġ bawalupġe âlâwu oloġyekto âmbâi sitnan areġât ġinġân guli. <sup>41</sup>Gutmâ âmbâi sitnan areġât enemjan kinbiâ bätġân mem ikinne denân hin dâep, “Talita kumi.” dâep. Amâ den purikne hin, “Âmbâi sitnan makġiġdere agat.” dâep. <sup>42</sup>Hain dâmbo ainâk agatmâ bam gulep. Âmbâi sisik are âmâ hombanġe keiân lâuwâ. Akto luâk âmbâle arekne ekmâ bätyeġe dätyejan igiyi. Akto âmbâi sisik arekne âlepne akmâ bam guto areġât hin dâep, <sup>43</sup>“Iregât bo makyenġiwei.” dâm kârikne makmâ hâreyenġiep. Hain akmâ âmbâi sitnan areġât hin dâep, “Sot om waġbiâ neâk.” dâm makyenġiep.

**Nasarete kepian gâtņande Yesu hâkânņe agi.**

**6** <sup>1</sup>Ainba Yesuņe ikiņaet kepian ariwerâambo hoņ bawalupņe olop ariyi. <sup>2-3</sup>Arim manbiâ âmâ âi bo mem sopņe miawakto den opmânņân âgâm den makyenņiep. Makyenņimbo âmâ luâk âmbâle dondânņe nânğâmbiâ dâtņe akto hin dâyi, “Luâk ire amâ in gâtņe. Ulikņân emet ketugum manminep akto memenņe âmâ Maria, akto emilupņe âmâ kotyerņe Yakobo, Yose, Yudasi, akto Simon, akto garilupņe nen olop in manmaen aregât yâkgât keiņe nânğâmaen ina niņande kulem keiņe ire hekalanep. Nânğâ nânğânņe humo akmap ire yâgâtenba mem togoep. Kulem mendo nen ekmâ kambiamnenņe agatâp.” dâm bâtyenņe igim kili. Hain dâm nânğâmbiâ kambiamyenņe bâliep. Hain akmâ Yesu ingâtņe dâmbiâ <sup>4</sup>aregât hin makyenņiep, “Luâk siânņe kepia biken biken arim Anutugât keiņe makyenņimbo nânğâmbiâ humo akmap. Dâ ikiņaet kepia me emetņân arim ginbailupņe makyenņimbo nânğâmbiâ gemap.” dâep. <sup>5</sup>Hain dâm âmâ kundatdâ konok konok meyekto âlepņe agi. <sup>6</sup>Akto Yesugât nânğâmbiâ giep aregât Yesuņe nânğâmbo dâtņe agep. Hain akmâ ikiņaet kepia hepunmâ kepia siân siân arim kepia are ambolupņe den pat âlepņe makyenņiep.

**Yesuņe aposololupņe huņgunyenņimbo âi keiņe kali.**

<sup>7</sup>Kepia siân siân arim hoņ bawalupņe keiân lâuwâ are lâuwâk lâuwâk huņgunyenņim hin makyenņiep, “Makyenņire nânğânņet. Kepia siân siân arim nânņe meme akyenņire nânğât kâriknân kinbai. Aregât huņgun yenņire lâuwâk lâuwâk akmâ kepia siân siân arim âmâ sinduk baniara bâleņe watyenņinņet. <sup>8</sup>Akto ariwaiân âmâ sot me ito me puli sâņgum dondâ bo mem ariwei. <sup>9</sup>Akto kei peke luguakbai are akto sâņgum luguakbai arekņe konok hâkyenņân tatbiap akto tânagum ariwaigât huwan konokņeâk panmâ tânagum sâņgum konogâk lugu akmâ ariwei. <sup>10</sup>Akto ariwaiân kepian arim âmâ emet konogân asiņ yembe. Akto emet hanâk hanâgân bo âgâm manbei. <sup>11</sup>Dâ kepia siân arimbiâ wan me wan denņe makyenņimbiâ âmâ nânğâmâk bo akmâ gasa akyenņimbiâ âmâ ariwerâmân Anutuņe hâuņe yenņiwiap aregât dop akmâ keiyenņân hamaņ siâ tatbiap are tâlim pulimbiâ gewiap.” dâm lâuwâk lâuwâk huņgunyenņiep. <sup>12</sup>Hain dâm huņgun yenņimbo lâuwâk lâuwâk akmâ arim luâk âmbâle hin makyenņiyi, “Bâleyenņe makmâ miawakmâ âmâ hepunņet.” dâm makyenņiyi. <sup>13</sup>Akto sinduk baniara bâleņe watyenņim mali. Arim hain akmâ manmâ makyenņimbiâ luâk kundatdâ togombiâ lâwin hânemņe puliyekmâ âlepņe akņet dâmbiâ âlepņe agi.

**Heroteņe makto Yohane kombiâ moep.**

<sup>14</sup>Yesugât hoņ bawalupņande hain akbiâ pat arekņe sambelembo luâk dondânņe nânğâyi. Nânğâm âmâ bikņande Yesugât hin dâyi, “Yohane tu puli yenņiep are luâk kembu nenņe Herote, yâkņe kondo moep

arekŋe sumâmba agatmâ mandâp. Luâk ire Yohane moep arekŋe golâ akmâ agatmâ yu mandâp ire.” dâyi. <sup>15</sup>Hain dâmbiâ bikŋande Yesugât patŋe nâŋgâm hin dâyi, “Propete luâk kotŋe Elia arekŋe purik katmâ gem mandâp.” dâyi. Dâ bikŋande âmâ hin dâyi, “Propete luâk ulikŋân moyi are yeŋgâlân gâtŋande mandâp.” dâyi. <sup>16</sup>Akto Heroteŋe hin dâep, “Yohane hanŋe hâreân arekŋe momoŋânba agatmâ mandâp.” dâep.

<sup>17-18</sup>Aregât keiŋe hin. Herote are akto luâk siâ Pilipo, emiteu are tatminiat. Akto ulikŋân Pilipo arekŋe âmbenŋe kotŋe Herodia miep. Mendo âmâ âmbâle arekŋe luâkŋe Pilipo hepundo kandâŋe Herote, are olop meakbela aregât Yohaneŋe nâŋgâm hin dâep, “Den kârikŋe kom kandâge memenâ bâliâp.” dâep. <sup>19</sup>Hain dâmba aregât âmbâle Herodia arekŋe âmâ Yohanegât nâŋgâm bâlim gain gain akmâ kombe dâm âsim manminep. Komberâm nâŋgâm kinmâ luâkŋe hâwâto kala busi kâlegen kato talep. <sup>20</sup>Dâ luâkŋe Herote arekŋe âmâ Yohanegât den are nâŋgâm han lâuwâ akmâ hin nâŋgâep, “Luâk ire âmâ Anutugât lauŋe lokom agak meme âlepŋeâk mem manmap.” dâm denŋe nâŋgâm herote akmâ benŋe han lâuwâ agep. Hain akmâ luâk âlepŋe dâm damunŋe agep. <sup>21</sup>Hain akmâ Herote miawagepŋe sopŋe akto luâk kembu akto tembe lokolupŋe yeŋgât humomolupyeŋe akto luâk kautŋe kautŋe me Galilaia yeŋgât humoyeŋe mendugu yekmâ sot om yeŋgiep. <sup>22</sup>Sot om yeŋgimbo mendugum nem tatbiâ âmbenŋaet baratŋe âmbâi sigan arekŋe hutyeŋân kinmâ kep keŋgu koep. Hain akto âmâ kambiam yeŋe âlepŋe akto aregât Heroteŋe hin dâep, “Barat, wan me wangât nâŋgâm makniŋmenâ nâ âlepŋe giŋbian. <sup>23</sup>Anutugât dewunŋân makŋiŋdere nâŋgâ. Wan me wan ekmâ ulitniŋmenâ are âlepŋe giŋbian. Amâ nâŋgâ yâkŋe hân niŋâk dâm ulit niŋmenâ are âkâ bikŋe potatmâ giŋbian.” <sup>24</sup>Hain dâm magaŋdo âmbâle arekŋe arim memeŋe hin magaŋep, “Luâkgande wan me wan hârok niŋberâm aktâp aregât wangât ulilaŋbe?” dâmba memeŋande hin dâep, “Luâk tu puli keiŋe kalep kotŋe Yohane, aregât kautŋe hârem niŋ dâmenâ hârem giŋâk.” dâep. <sup>25</sup>Hain dâm magaŋdo âmbâle sigan arekŋe pârigim luâk kembugâlae arim ulilaŋmâ hin dâep, “Gâ Yohane hanŋe hârem kautŋe kondoân katmâ niŋ.” dâep. <sup>26</sup>Dâmba âmâ luâk kembu are biwiŋe dondâ bâliep. Dâ magep are Anutŋe nâŋgâep aregât nâŋgâm den koko bo agep. Akto luâk tali are yeŋgât dewunyeŋân denŋe gewopgât magep hain agep. <sup>27</sup>Hoŋ bawaŋe siâ tâwât amboŋe are huŋganaŋdo tâwât mem arim kala busi kâlegen âgâep. <sup>28</sup>Âgâm Yohanegât hanŋe hârembo mondo kautŋe kondoân katmâ mem gutmâ âmbâi sigan are waŋep. Waŋdo mem memeŋalae lokom ariep. Lokom arim memeŋe waŋdo miep. <sup>29</sup>Mendo âmâ Yohanegât hoŋ bawalupŋande pat are nâŋgâm ari hâkŋe mem hangoyi.

### Yesuŋe luâk 5,000 sot yeŋgimbo neyi.

<sup>30</sup>Yesugât hoŋ bawalupŋe kepiaŋe kepiaŋe arim den pat âlepŋe are makyenŋim manmâ purik katmâ Yesugâlân togoyi. Yâkgâlân mendugum

kinmâ wan me wan agi me den makyenġiyi aregât pat hârok mem maganġi. <sup>31</sup>Akto sop ain luâk âmbâle dondâŋe Yesu ekberâm togom ekmâ purik katmâ ariyi. Hain akbiâ aregât hoġ bawalupŋande hin maganġi goanġi agi, “Gulip nengumbiâ gain gain sot nemberen.” dâyi. Hain dâmbiâ Yesuŋe hin dâep, “Bâin pumângen arine. Luâk dondâŋe togombiâ aregât pumângen nenŋeâk ari manmâ hâk mem biwiyenŋe sândugeâk.” dâep. <sup>32</sup>Hain dâmbo yenŋeâk waŋgan âgâm pumângen ariwerâm akmâ ariyi. <sup>33</sup>Arimbiâ luâk âmbâle kepia siânba siânba togoyi arekŋe yekmâ nânġâm yâkŋe soŋ dowâk pârigim bâtġum ginġân togoyi. <sup>34</sup>Togom kinbiâ waŋganba sopanmâ gem yekmâ hin dâep, “Luâk âmbâi dondâ ire yenġât damun bo mandâi.” dâm okotŋe nânġâep. Hain akmâ den pat âlepŋe are makyenġiep. <sup>35</sup>Makyenġim kindo emet dâgâwerâm akto hoġ bawalupŋande hin dâm maganġi, “Ire âmâ pumângen mandenŋe dewutâ gewerâm aktâp <sup>36</sup>aregât huŋgun yenġimenâ ariŋet. Hân iren aŋġim nene emetŋe bo kindâp aregât huŋgun yenġimenâ kepia siân siân arim ain sot puligom nenŋet.” dâyi. <sup>37</sup>Hain dâmbiâ Yesuŋe hin makyenġiep, “Yenŋeak sot yenġiŋet.” dâmbo hin dâyi, “Nen gain gain lauge lokoweren? Luâk âmbâle kâmot ire yenġât sot âmâ 2,000 kina hainŋe puligoenŋe ârândân bo akyenġiwerâp aregât gain gain lauge lokoweren?” dâyi. <sup>38</sup>Hain dâmbiâ hin makyenġiep, “Yenġât sot amon tatyenġiâp? Ba ekmâ gutmâ makniŋet.” dâmbo bam oyaŋmâ ekmâ gutmâ hin maganġi, “Nenġât sot momerâk akto iŋan lâuwâ tatâp.” dâyi. <sup>39</sup>Hain dâmbiâ, “Hârok kâmot ikiŋeâk ikiŋeâk umiliŋ kakŋân ain ge tatŋet.” dâep. <sup>40</sup>Hain dâmbo hainâk kâmot 50 âk hârok ain ain tatmâ ariyi. <sup>41</sup>Hain akbiâ sot are mem himbimân dewunŋe panmâ Anutu mepaiŋe miep. Hain makmâ sot are munditmâ hoġ bawalupŋe yenġimbo potatmâ lokom bam luâk âmbâle tali are yenġiyi. Akto iŋan hainâk yenġiep. <sup>42</sup>Yenġimbo nem tepyeŋe pigep. <sup>43</sup>Nem tepyeŋe pikto hoġ bawalupŋande pipiŋe haka keiân lâuwâ lugumbiâ pigep. <sup>44</sup>Akto luâk 5,000 hain arekŋe sot neyi.

### Yesuŋe bâtġum kakŋân ariep.

<sup>45</sup>Akto Yesuŋe hoġ bawalupŋe hin makyenġiep, “Yenŋe soŋ waŋgan âgâm Besaida kepiân arimbiâ âkâ nânŋe luâk âmbâle ire huŋgun yenġire ariŋet.” dâep. Hain dâmbo hoġ bawalupŋe waŋgan âgâm bâtġum biken kepia kotŋe Besaida ain ariwerâm akbiâ Yesuŋe luâk âmbâle ain kili are hin makyenġiep, <sup>46</sup>“Bâin ariŋet.” dâmbo arimbiâ gimbanġân âgâm ikiŋak Anutu maganġmâ talep. <sup>47</sup>Hain akmâ tato emet dâgâmbo hoġ bawalupŋe emelâk haru tânâmŋân arim manbiâ Yesu ikiŋak gimbanġânba gem bâtġum ginġân kinmâ yegep. <sup>48</sup>Yekto seru humoŋe meyekto gain gain akmâ arine dâm âi humo mem tatbiâ emet haunberâm agep. Hain akto hândâk pipiŋe tatoâk bâtġum kakŋân tâlim tâlim ari ewanġiyekberâm agep. <sup>49</sup>Hain akto hoġ bawalupŋande ekmâ, “Hat sinduk togoâp.” dâm

hamewakmâ dâtyeje igim ongâyeje hogombo kamboji. <sup>50</sup>Hain akbiâ nânġâm ainâk hin dâep, “Nâje togoân. Bo hamewaknet. Kambiamyeje sândugeâk.” dâep. <sup>51</sup>Hain dâm waŋgan âġâmbo ainâk seru nânġâmbo ekbiâ bimbiâk agep. <sup>52</sup>Akto sot munditmâ yeŋgiep areġât keiye nânġâm heŋgemgoyi dâine wan me wan areġât nânġâmbiâ dâtje bo akbop.

<sup>53</sup>Bâtġum hâtikom metem Genesaret hânân togom waŋga hikombiâ kilep. <sup>54</sup>Kindo luâk âmbâle togom ainâk Yesu ekmâ nânġâyi. <sup>55</sup>Ekmâ nânġâyi areġât kepia ewumâk ewumâk ain purik katmâ pârigim arim kundatdâ temân katmâ lokoyekmâ togoyi. Hain akmâ kundatdâ yâġâten tatâi dâm undâġât yeŋgim arewa temân katmâ lokoyekmâ Yesugâlân togoyi. <sup>56</sup>Togom âmâ Yesuje kepia humo me bâlensiâ me pâloŋângen ain togom kilep aregen kundatdâ kâmotdâk katbiâ yembiâ Yesu ulilaŋmâ hin dâyi, “Ġânġât sâŋgumge howaim âmâ âlepje aknet.” dâmbiâ, “Âlepje.” dâep. Hain dâm kindo bikŋande howaimbiâ heŋgem yeŋguez.

### Sotje biwinenje bo hilip komap.

**7** <sup>1</sup>Akto Parisaio akto Moseġât den kârikje makmâ miawagi are bikje Yerusalem kepiansa togo Yesugâlân menduguyi. <sup>2</sup>Mendugum tatbiâ Yesuġât hoŋ bawalupŋande bâtyeje bo pulim sot nembiâ yekbiâ ârândân bo agep. <sup>3</sup>Amâ Parisaio luâk akto Yuda luâk yâk hârokje bâġilupyeye yeŋġât den lokom sot nemberâm akmâ bâtyeje pulimâk sot nemini. <sup>4</sup>Akto aŋgim nene emetjânba purik katmâ togom hainâk tu puliak puliak bâlâk sot bo nem manmini. Akto areâk bo. Bâġilupyeye yeŋġât den lokom umbâ akto kondo me sot kat katġât are tu pulimini. <sup>5</sup>Akto Yesuġât hoŋ bawalupje yekbiâ ârândân bo ageġât Parisaio akto Moseġât den kârikje makmâ miawagi arekje Yesu hin magaŋi, “Wei, hoŋ bawalupgande wangât bâġilupnenje yeŋġât den bo lokom bâtyeje tuân bo pulim yân sot mem nendâi?” dâm magaŋi. <sup>6</sup>Hain magaŋbiâ Yesuje hin makyenġiep, “Ulikjân Yesaia arekje yeŋġât keiyeje nânġâm hin kulemgoep are tatâp.

Anutje hin dâep, “Luâk kâmot irekje lauyeŋandeak gangerânekmâ maŋganekmai. Dâ han biwiyenande âmâ hepun nekmâ sârekonekmai. <sup>7</sup>Nânġât den kârikje panmâ areġât dumjân luâġât den yânje are bunjerâm makmâ kepikmai are nânġâm hâkneak nânġât kotne mem agatbiâ ektere yânje akmap.” dâep.

<sup>8</sup>Yesaiaje hiaŋgi luâk yeŋġât hain kulemgoep areġât dopje akmâ ye Anutugât den are panmâ luâk yeŋġât den are lokom manmai. <sup>9</sup>Yeje yeŋġât dengât nânġâmbiâ humo aktâp. Dâ Anutugât den nânġâmbiâ geâp. <sup>10</sup>Areġât Moseje hin dâep, “Ġâ memege ewege amukyetjân manmâ den bâleje makyetkimenâ âmâ humomolupgande gugumbiâ mombiat.” dâep. <sup>11</sup>Ġârâmâ yeje âmâ areġât den panmâ hin makmai, “Luâk siâje eweje memenje amukyetjân tatmâ manmâ eweje memenje hin makyetkiwiap,



Emelâk tânyetkuân gêrâmâ hepun yelekâmâ wan me wan yu yetkiwerân ire âmâ Anutugât pat katberân. <sup>12</sup>dâmbo nengât denŋe are mem kârikŋe ketugumbo memenŋe ewenŋe bo tânyetkumbo ârândân akbiap.” ye hain dâmai. <sup>13</sup>Ye hain dâm Anutugât den kombiâ gembo yeŋaet den makyenŋimbiâ sambelem arimap are ârândân bo akmap. Akto areâk bo. Siâ siâgât hainâk Anutugât den kom âmâ yeŋe den mem manmai.” Yesuŋe Parisaio akto Mosegât den kârikŋe makmâ miawakmini are hain makyenŋiep.

**Wan me wan bâleŋaet nânŋâm makmaen arekŋe  
âmâ helenŋe bâleŋe aknengimap.**

<sup>14</sup>Yesuŋe hain dâm luâk âmbâle yekmâ siâkâ togoŋet dâmbo togombiâ hinâk makyenŋiep, “Nâ makyenŋire luâk âmbâle ye hârok nânŋânŋet. <sup>15</sup>Wan me wan tepyeŋân gemap are âmâ kâmbokŋe bo akto bâleŋe bo akmap. Dâ den bâleŋe makmai arekŋe âmâ luâk mem bâliyekmap. <sup>16</sup>Gârâmâ ye den ire nânŋâm biwiyenŋân katmâ heŋgemgom manbei.” Yesuŋe hain dâep. <sup>17</sup>Hain dâm luâk âmbâle hepunyaekmâ emelan âgâmbo hoŋ bawalupŋande den ginŋe magep aregât aikoyi, “Hinŋe maktât are keiŋe gain gaingât maktât?” dâyi. Hain dâmbiâ hin makyenŋiep, <sup>18</sup>“Woe, ye nânŋâ nânŋâyene bâlâk mandâi hainare me? Wan me wan nembîâ tepyeŋân gemap arekŋe bâleŋe bo akmap. A bonânŋâi mon? <sup>19</sup>Akto wan me wan nembîâ arekŋe nânŋâ nânŋâyene bo tângomap, are yân tepyeŋân gem potalakto panmai.” dâep. Akto magep aregât keiŋe âmâ hin. Sot hârok âlepŋe akto nendenŋe bâleŋe bo akmap. <sup>20</sup>Akto Yesuŋe lâuwânŋe hin dâep, “Wan me wan bâleŋaet nânŋâm makmai arekŋe âmâ helenŋe bâleŋe akyenŋimap. <sup>21</sup>Luâkgât kambiamŋânba me hanŋânba hinâk gamap. Nânŋâ nânŋâ bâleŋe me egâliarŋ keiŋe keiŋe me âiân kâmbu, me kuk heŋgân me âmbâle mem hepun hepun akmai. <sup>22</sup>Akto ukenŋe kotŋe siâ siâ bâleŋe hianŋi, âgâ âgânŋe bâleŋe me galagât hogo hogo me hâk mem agat agat me kopa agak meme. <sup>23</sup>Are hârok yu maktân irekŋe âmâ nânŋâ nânŋâyenŋânba helenŋe bâleŋe akmâ luâk âmbâle hilip yeŋgumap.” dâep.

**Âmbâle siânŋe Yesu ulilanŋep.**

<sup>24</sup>Hain dâm kepia are hepunmâ Tiro akto Sidonŋ ginŋân are yeŋgât hânân togoep. Togom siânbanŋe nânŋgât pat nânŋgâwâi dâm yoŋâk emet siân âgâep. Âgâmbo patŋande sambelem ariep. <sup>25-26</sup>Akto ainâk âmbâle siâ Girik âmbâle Siria hân aregât amboŋe arekŋe patŋe nânŋâm togoep. Âmbâle aregât baratŋe sinduk baniara bâleŋe siânŋe kautŋân mendo tato aregât togoep. Âmbâle kepia siân gâtŋe arekŋe togom enemŋân kânŋgom ulilanŋmâ hin dâep, “Sinduk baniara bâleŋe watmenâ baratnaet kautŋânba hepunmâ ariâk.” dâep. <sup>27</sup>Hain dâmbo hin magaŋep, “Nenŋe

âmâ nanan soj sot om yengimaen. Nanan sot bâlâk tatbâi dâm dua soj bo yengimaen.” dâep. <sup>28</sup>Hain dâmbo âmbâle arekne hin magep, “Kembu, bundâk maktât are nângân amâ nananjupnenjande soj sot nem tatbiâ sot pipiñe gembo amâ duañe hanâk nemai.” <sup>29</sup>dâmbo Yesuñe hin magañep, “Den hain maktât aregât nângâ giñdân. Gârâmâ gâ emetgân ari. Sinduk baniara bâleñe arekne baratge emelâk hepundâp.” dâep. <sup>30</sup>Hain dâmbo emetñân arim sinduk baniara arekne baratñe emelâk hepundo welamñân yendo egep.

### Yesuñe makto luâk kopa den bo makminep siâ den magep.

<sup>31</sup>Yesuñe Tiro kepiamba purik katmâ Sidonj kepia ewangim togo Galilaia bätgum hâlânñmâ kepia bät bip bip hârok tali are yengâlân togoep. <sup>32</sup>Ain togombo luâk ondopñe bokbokñe kopa den bo makminep siâ tatminep are mem yâkgâlân kewugum arim bätgande mem howai dâm ulilañi. <sup>33</sup>Hain dâm ulilañbiâ nângâm kâmot humo hepun yekmâ kewugumbo ariyat. Arimbela bätñande ondopñân katmâ benñe bätñân tâwutkom elewetñân miep. <sup>34</sup>Hain akmâ amâ himbimân ekmâ herâm, “Epata.” dâep amâ den purikñe ondopge pâronj âgâk hain dâep. <sup>35</sup>Hain dâmbo ondopñe pâronj âgâm elewetñe purik âgâmbo den agep. <sup>36</sup>Den akto bikñande nângâyî aregât, “Iregât pat bo makyenjiwei.” dâep. Hain dâm makyenjiñe yâkñe kârikñe akmâ makbiâ sambelembo luâk âmbâle hârokñe nângâyî. <sup>37</sup>Akto ekbiâ dâtñe akto magañgi goañgi akmâ hin dâyi, “Wan me wan mendo ârândâñâk hârok akmap. Ondopyenñe bok bokñe pâronj âgâk dâmbo pâronj âgâmap. Akto luâk denyenñe bo yengât makto den âlepñe akmai. Akto kotñe siâ siâ hârokgât makto âlepñeâk hârok akmai.” dâyi.

### Yesuñe luâk 4,000 sot yengimbo neyi.

**8** <sup>1</sup>Sop ain luâk kâmot humo arekne lâuwânñe Yesugâlân mendugum sot bâlâk tatbiâ hoj bawalupñe hin makyenjiñe, <sup>2</sup>“Gutñet. Nâ luâk âmbâle ire yekmâ okot nângân. Yâkñe nâ olop mandenñe hilâm âlâwu akto sot bâlâk mandâi. <sup>3</sup>Siânbañe hân kâlewângenba togoyi aregât hungun yengire arim sotgât dâwân dewun biri yenguwop.” dâep. <sup>4</sup>Hain dâmbo hoj bawalupñande hin magañi, “Hân pumân ire angim nene emetñe bo tatâp aregât sot humo wanânba mem miawakmâ yengiweren?” dâyi. <sup>5</sup>Hain dâmbiâ Yesuñe hin makyenjiñe, “Yengâlân sot koañe amon kindâp?” dâmbo, “Nâmbulân lâuwâ.” dâyi. <sup>6</sup>Akto “Luâk âmbâle hârok hânân tatñet.” dâmbo tatbiâ sot nâmbulân lâuwâ are mem Anutu mepainñe miep. Mepainñe mem sot are munditmâ hoj bawalupñe yengimbo kalem katmâ luâk âmbâle yengiyi. <sup>7</sup>Akto iñan amonsiâ talep arekâ mem hainâk Anutu magañmâ gâim potatmâ hoj bawalupñe hin makyenjiñe, “Ire yengijet.” dâmbo hain agi. <sup>8</sup>Luâk âmbâle arekne nem tepyenñe pikto sot pipiñe hânân giep are pitim haka

nâmbulân lâuwâ lugumbiâ pigepe. <sup>9</sup>Luâk 4,000 hain are sot are neyi. Akto hunḡun yengimbo purik kali.

**Yesuḡe kulem mendo ekneḡât makbiâ bo dâep.**

<sup>10</sup>Luâk âmbâle arekḡe arimbiâ ainâk hoḡ bawalupḡe olop waḡḡan âḡâm arim Dalimantuta kepiantogoyi. <sup>11</sup>Ain togom waḡḡanba sopanmâ gembiâ Parisaio luâkḡe togom hin dâyi, “Makmenâ himbimânba kulem siâ miawakto ekne.” dâm maganḡmâ dop koyi. <sup>12</sup>Hain dâm hianḡbiâ biwi umatḡe akto nânḡâm herâm hin makyenḡiepe, “Kulem miawagâkḡât egâlianḡmai amâ nânḡâre ârândân bo aktâp. Luâk âmbâle hârokḡe kulem gâlâk nânḡâmai gârâmâ kulem siâ bo hekat yengiwian.” dâep. <sup>13</sup>Hain dâm hepun yekto waḡḡan âḡâm bātḡum biken arim mali.

<sup>14</sup>Waḡḡan âḡâm arim sotḡât nelâm yengimbo sot koaḡe konok waḡḡan yiepe. <sup>15</sup>Yendo hin makyenḡiepe, “Ye Parisaio akto Herote yâkḡe yengât matuk pipikom nemai are nânḡâm hanokoak akbei.” dâep. <sup>16</sup>Hain dâmbo yâkḡe den areḡât keiḡaet pâpkom maganḡi goanḡi akmâ hin dâyi, “Ire âmâ sotḡât nelâm nengimbo togoen areḡât maknengiaḡ me gain?” dâyi. <sup>17</sup>Hain dâmbiâ nânḡâm hin makyenḡiepe, “Ye wangât hain dâi? Ye ireḡât keiḡe bo nânḡâm heḡḡemgoâi me? Hanyenḡe kârikḡe aktâp mon?” <sup>18</sup>Ye âmâ ekmai amâ bo ekmâ nânḡâmai. Akto nânḡâmai amâ bo nânḡâm heḡḡemgomai. Ye wan me wan ekmâ nânḡâm âmâ benḡe wangât dowâk nelâm yengimbo manmai? <sup>19</sup>Nânḡe sot momerâk potatmâ luâk 5,000 yengire nembiaḡ pipiḡe yendo membiâ haka amon ge pigepe?” dâep. Hain dâm aiyenḡumbo, “Keiân lâuwâ.” dâyi. <sup>20</sup>“Dâ sot nâmbulân lâuwâ kalem katmâ luâk 4,000 yengire nembiaḡ pipiḡe yendo membiâ haka amon ge pigepe?” dâmbo, “Nâmbulân lâuwâ.” dâyi. <sup>21</sup>Hain dâmbiâ hin makyenḡiepe, “Areḡât keiḡe boâk nânḡâm heḡḡemgoâi mon?” dâep. <sup>22</sup>Hain dâmbo Besaida kepiantogoyi.

**Yesuḡe dâmbo luâk dewunḡe bokbokḡe siâḡe hârok ekmâ metiepe.**

Togombiâ kepia ambolupḡande luâk dewunḡe bokbokḡe siâ mem Yesugâlân togom bātḡande howaiâkḡât ulilanḡi. <sup>23</sup>Ulilanḡbiâ luâk dewunḡe bokbokḡe are bātḡân mem kepia ginḡâḡen ge kinmâ dewunḡân tâwutkom pulianḡmâ bātḡe katmâ hin aikoep, “Wan me wan siâ ektât me bo?” dâep. <sup>24</sup>Hain dâmbo dewunḡe panmâ ekmâ hin dâep, “Nâ luâk yektere lâwin hinare akmâ arim togom tatâi.” dâep. <sup>25</sup>Hain dâmbo bātḡande dewunḡân lâuwânḡe howaimbo luâk arekḡe âlepḡe akmâ dewunḡe pagalembo tâlâwâḡân me kâlêwân siâ siâ hârok ekmâ metiepe. Hain akto Yesuḡe hin maganḡe, <sup>26</sup>“Gâ arim âmâ kepia humoân bo âḡâm yoḡâk emetḡân ariwen.” dâm maganḡmâ hunḡun aḡdo ariep.

**Petoroḡe Yesugât keiḡe makmâ miawagepe.**

<sup>27</sup>Arimbo yâk hoḡ bawalupḡe olop Kaisarea Pilipo hân areḡât kepia siâ siâ ewanḡiyekmâ ariyi. Arim manmâ hoḡ bawalupḡe aiyenḡum hin dâep,

“Luâkne nângât keine gain gain dâm magan̄gi goan̄gi akbiâ nângâmai?” dâmbo hin dâyi, <sup>28</sup> “Siânbaŋe âmâ Yohane tu puli luâk are dâmai. Dâ siânbaŋe âmâ Elia dâmai. Dâ bikŋande âmâ propete siâ dâmai.” dâyi. Hain dâmbiâ hin dâm makyen̄giep, <sup>29</sup> “Dâ yeŋeak âmâ nângât niŋe dâmai?” dâmbo Petoroŋe hin magan̄ep, “Anutuŋe hoŋ bawane huŋgun aŋdo gewiap dâmai are amâ gâ.” dâep. <sup>30</sup> Hain dâmbo den kârikne hin makyen̄giep, “Luâk bikŋe ire bo makmâ miawak yeŋgiwai.” dâep.

### Yesuŋe mom agatbiapgât makyen̄giep.

<sup>31</sup> Akto hilâm ain keiŋe katmâ den hinâk makyen̄giep, “Luâk humomolupyene akto sumbe kat kat luâk akto Mosegât den makmâ kepigi yâkne mendugum luâk akmâ geân nâ haminiŋmâ mem hâk hilâlâm niŋbiâ mondere hilâm âlâwu akto momoŋânba agatbian.” dâep. <sup>32</sup> Den are makmâ miawak yeŋgimbo nângâm Petoroŋe kuk akmâ Yesu giŋŋângen kewugum gem den kârikne kugâk kugâk magan̄ep. <sup>33</sup> Hain magan̄do purik katmâ hoŋ bawalupŋe yeŋgâlân dewunŋe panmâ Petoro den kârikne agan̄mâ hin dâep, “Gâ Niambi aregât eke. Akto maktât are âmâ luâk nângâ nângâ hainare aktâp. Anutugât den bo.” dâep.

<sup>34</sup> Hain magan̄mâ Yesuŋe luâk dondâ mali are akto hoŋ bawalupŋe yekmâ, yeŋgondo togom mendugumbiâ hin makyen̄giep, “Luâk siâŋe nâ watnekberâm âmâ han hâkŋaet siâ me siâ are hamian̄mâ lâwin parâŋe lokom watnekbiâp. <sup>35</sup> Luâk siâŋe manmanŋe gangerâmbo âmâ gulip agan̄biap. Dâ luâk siâŋe nângât akmâ pat âlep dengât hâk biwiŋe kondo âmâ miawagan̄biap. <sup>36</sup> Dâ luâk siâŋe hângât egâlianj delem me ito mem manmâ âmâ manmanŋe mesokto gulip koan̄biap. Amâ wan âlepŋe miawagan̄biap? <sup>37</sup> Akto luâk siâ Anutu hamian̄mâ manmap aregât hâmbâi Anutu manmawân ariwiapgât dop bo tatâp. <sup>38</sup> Akto kâmot agak meme bâleŋe akmai are yeŋgât hutyeŋân siâŋe manmâ hin dâwiap, “Yesu akto ikiŋe dengât hâkâŋ akmâ mandân.” dâm haminiŋdo âmâ benŋe hainâk luâk akmâ geân nâ lâuwâŋe gem ewenaet himbim pagaleŋe olop aŋelo olop togom luâk aregât hin dâwian, “Nâkâ hainâk bo nângâ giŋdân.” dâm hamian̄bian.” dâep.

### Mose akto Elia Yesu olop den magan̄gi goan̄gi agi.

**9** <sup>1</sup> Yesuŋe hin makyen̄giep, “Makyen̄gire nângân̄et. Anutuŋe damunyeŋe akbiap aregât sop tâlâguâp gârâmâ yu kindâi ire yeŋgât hutyeŋân gâtŋe bikŋande bo mom âmâ golâ manbaiân kulem pagaleŋe are olop miawakto ekbai.” dâep.

<sup>2</sup> Akto arewa hilâm nâmbulân konok bo akto ain Yesuŋe Petoro Yakobo akto Yohane areâk kewuguyekto gimbâŋe siân âgâyi. Âgâm Yesuŋe hâk siâ mendo egi. <sup>3</sup> Yâkgât sâŋgumŋânba pagalem kau kau akto egi. <sup>4</sup> Hain akto Mose akto Elia ulikŋân maliat are ainâk miawakmâ kinbela yelekbiâ

Yesu olop den maganji goanji agi. <sup>5-6</sup>Hain akbiâ hoŋ bawalupŋande hamewakmâ aregât Petoro nânġâ nânġânġe guliwakto gain dâm hin maganġep, “Humonenġe wan siâ hekat nengimenâ ekten aregât ukenġe nânġâen. Gârâmâ iren uligi âlâwu meyenġine. Gânġât siâ Mosegât siâ akto Eliagât siâ.” dâep. <sup>7</sup>Hain dâmbo ainâk hamandat humo siânġe gem tigiyeġep. Tigiyekto âmâ are kâlegenba den siâ hin miawagep, “Yâk âmâ nânġât nanne âlepġe yâkgât okot âlep nânġân. Yeŋe âmâ yâkgât denġe nânġâwei.” dâep. <sup>8</sup>Hain dâmbo den are nânġâm ainâk purik gurik akmâ ekbiâ Yesuġe konok kindo egi.

<sup>9</sup>Akto ainba gimbânġe hepunmâ gem gem Yesuġe hin makyenġieġep, “Âuren kulem ektâi aregât luâk bo makyenġim manbei. Nâmâ luâk akmâ geân nâ momoŋânba agatbian ain âmâ âlepġe makyenġiwei.” dâep. <sup>10</sup>Hain dâmbo den are nânġâm kinmâ maganji goanji akmâ hin dâyi, “Wangât golâ akmâ momoŋânba agatbian dâp.” dâm <sup>11</sup>Yesu hin aikoyi, “Mosegât den kârikġe makmâ miawakmai arekġe hin dâmai, “Elia togowiap.” dâmai are wangât hainâk dâmai?” dâmbiâ <sup>12</sup>hin makyenġieġep, “Elia bundâk togom siâ me siâ mem hulaŋ gulaŋ akbiap. Aregât Anutuġe makto kulemgoep hin tatâp, nâ luâk akmâ geân nânġât akmâ bikŋande hâkâŋ nekbiâ hâk hilâlâm manbian kulemgoep. <sup>13</sup>Ulikŋân Anutuġe propete makyenġimbo kulem kulemgoyi tatâp are den bunġe. Elia emelâk lâuwânġe togoep gârâmâ luâk in manmai irekġe ukenyenġaet akmâ bâleġe agaŋi. Anutuġe makto kulemgoyi are hain agaŋi.” dâep.

### Yesuġe sinduk baniara bâleġe walep.

<sup>14</sup>Gimbânġânba gem metem hoŋ bawalupġe bikġe yeŋġâlân togom yegi. Akto luâk âmbâle dondânġe turuŋyekmâ kinbiâ Mosegât den kârikġe makmâ miawagi arekġe Yesugât hoŋ bawalupġe olop den bao guto maganġim peiyekmâ kinbiâ Yesu akto hoŋ bawalupġe bikġe yâkġe gem yegi. <sup>15</sup>Gem yekbiâ luâk âmbâle dondâ turuŋyekmâ kili arekġe Yesu ge kindo ekmâ sân sân mem pârigim togom Yesu maŋganli. <sup>16</sup>Maŋganbiâ Yesuġe hin dâep, “Ye wan den maganji goanji aktâi?” dâep. <sup>17</sup>Hain dâmbo yâk yeŋġâlânba siânġe hin dâep, “Kembu, nânġât nanne sinduk baniara bâleŋande lauġe mem gisapkombo tatmap. <sup>18</sup>Hain akmâ tatmâ hilâm ârândânġe sinduk baniara bâleġe arekġe mem kârikġe ketugumbo yendo lauŋânba tâwut gambo nekamġe kândiŋ akmâ keiġe bânġe kârikġe akto yemap. Nânġât nanaŋ hain akmap aregât kewugum togom hoŋ bawalupġe ulityenġiân, “Sinduk baniara bâleġe ire walaŋġet.” dâre walaŋberâm âsimbiâ bo aktâp.” dâep. <sup>19</sup>Hain dâmbo Yesuġe hin makyenġieġep, “Ye wangât hanyenġande bo nânġâniŋmâ kepilâmai? Nâ ye olop sopġe sopġe manmâ sokom katyebian mon? Bâin. Nanaŋ are mem nânġâlân ga.” dâep. <sup>20</sup>Hain dâmbo luâk sigan are Yesugâlân mem âġâmbiâ sinduk baniara bâleġe arekġe Yesu ekmâ dowâk luâk sigan

are mem hâkokombo hânân ge purik gurik akmâ yendo lauñânba tâwut gem yiep. <sup>21</sup>Hain akmâ yendo Yesuñe eweñe hin aikoep, “Sop amuten miawagañep.” dâmbô hin dâep, “Nanañânbak miawagañdo hinâk akmâ gaep. <sup>22</sup>Akto sinduk baniara bâleñe irekñe nanne hilip aguâk dâm kâlâwân me tuân hâkokombo gewerâm akmap aregât Yesu gâ kârikge tatgiñdâp me bo? Tatgiñdâp akto netgât okot nâñgâm tânnetku.” dâep. <sup>23</sup>Hain dâmbô hin magañep, “Wangât kârikñe tatgiñdâp me bo dâm han lâuwâ akmâ ainuguât? Aregât makgiñdere nâñgâ. Luâk siâ nâñgâniñmâ kepilâmap are tângore bunñe miawagañmap.” dâep. <sup>24</sup>Hain dâmbô ainâk luâk sigan aregât eweñande humoâk konmâ hin dâep, “Biwine getek gâñgâlân katân gârâmâ tânnugumenâ gâñgâlân bunewâk kârikñe katberân.” dâep. <sup>25</sup>Hain dâmbô luâk âmbâle dondâ togom mendugumbiâ yekmâ aregât dowâk sinduk baniara bâleñe walañberâm hin magañep, “Sinduk baniara bâleñe gâñe luâk ondopyeñe akto elewetyeñe mem bâlimat aregât makgiñdere nâñgâ. Agatmâ ari. Siâkâ purik katmâ lâuwâñe luâk iregât kautñe bo mem gulipkowen.” dâep. <sup>26</sup>Hain dâmbô sinduk baniara bâleñe arekñe kârikñeâk kamboñmâ luâk sigan are tâlim pando mom hin pâlâmñe yendo ariep. Hain akmâ arimbo luâk âmbâleñe are ekmâ hin dâyi, “Bunñe mondâp.” dâmbiâ <sup>27</sup>Yesuñe luâk sigan are bâtñân mem oloñdo agatmâ kilep. <sup>28</sup>Nanañ are agatmâ kindo arewa emelan âgâmbô hoñ bawalupñande pumân aikom hin dâyi, “Nen wangât watberâm âsienñe bo aktâp?” dâyi. <sup>29</sup>Hain dâmbiâ hin makyengiepi, “Walañberâm âmâ kinmâ ain Anutu ulilañmâ âmâ âlepñe walañbai.” dâep.

### **Mombiap aregât makmâ miawagep.**

<sup>30</sup>Akto arewa arim Galilaia hân ewangim ain âmâ hoñ bawalupñe ikiñaet pat makyengiwerâmbo aregât yoñâk ariyi. <sup>31</sup>Arim manmâ dâwân makyengim hin dâep, “Siân âmâ luâk siâñe gasalupne kewuguyekto luâk akmâ geân nâ mem nugumbiâ mombian. Akto hilâm âi meme âlâwu akto ain momoñânba agatbian.” dâep. <sup>32</sup>Hain dâmbô den keiñaet pâpkom aikowerâm hamewagi.

### **Luâk gain hin arekñe humo akmâ ewangiyekbiap.**

<sup>33-34</sup>Hain akmâ Kapanaum arim arim hutñe siân hoñ bawalupñande yeñeâk magañgi goañgi akmâ hin dâyi, “Nengât humonenñe âmâ niñande akbiap?” hain dâm yeñeâk papalagi. Hain akbiâ âmâ emetñân tatmâ hin aiyenguepi, “Dâwân wangât dâm magañgiâi?” dâmbô añun añgim yân kamilem tali. <sup>35</sup>Hain akmâ tatbiâ ge tatmâ hoñ bawalupñe mendugu yekmâ hin makyengiepi, “Siâñe Anutugât dewunñân luâk kautñe manberân dâm âmâ hârok yeñgât amukyeñân manmâ hâkñe mendo gembo hoñ bawayeñe akto Anutuñe ekto ârândâñ akbiap.” dâep.

<sup>36</sup>Hain dâm nanaŋ bâlensiâ siâ hutyeŋân katmâ bātŋande mem kinmâ hin makyenŋiep, <sup>37</sup>“Luâk siâŋe nanaŋ ire hinare ekmâ tângowiap âmâ nâ tânnuguwiap aktâp. Dâ areâk bo. Yâkŋe nâ akto huŋgun niŋep net tân netkumap.” dâep.

<sup>38</sup>Akto Yohanenŋe Yesu hin maganŋep, “Humo, nen luâk siâŋe gâŋgât kotge konmâ sinduk baniara bâleŋe watyekto ekmâ nen olop bo manmapgât makmâ hâreyion.” dâep. <sup>39</sup>Hain dâmbo Yesuŋe hin dâep, “Hain bo akbei. Siâŋe nâŋgât kotne konmâ kulem membiap hain arekŋe gain gain akmâ nâŋgât owâiŋeâk makmâ bâliwiap? <sup>40</sup>Akto âinenŋe bo mem bâliwiap arekŋe gala tân nenguwiap. <sup>41</sup>Amâ luâk siâŋe Anutuŋe huŋgun niŋep nâŋgât hoŋ bawa mandâi ye tân yenŋuwerân dâm tu hâgâm yenŋiwiap amâ lau loko loko ya akbiap aregât Anutuŋe hâuŋe waŋbiap.

### Hemem kâlâp aregât den.

<sup>42</sup>Akto luâk siâŋe nanaŋ biwiyenŋe nâŋgâlân katmai are yenŋâlânba konokŋe bâliwerâm hâkŋe hâkŋe hain akto gâuŋ, siâŋe kât humo dondâ hanŋân imbogoanmâ haru bātŋumân hâkokombo dâine arekŋe âmâ siâ me siâ owâiŋe miawaganŋop. <sup>43</sup>Dâ bātŋe arekŋe kambiamge oloŋdo bâleŋe akbiat âmâ bātŋe hârem panben. Dâ wan âlepŋe? Bātŋe konok umatŋân manmâ manman âlepŋân ariwai me bātŋe lâuwâ âlepŋeâk manmâ mom âmâ kâlâwân manbiat? <sup>44</sup>Amâ hemem kâlâp bo bokmâ âgâwiap ain naneyenŋe bo mombiap. Dâ kâlâp bo bokbiap. <sup>45</sup>Akto keigande kambiamge oloŋdo bâleŋe akbian dâwiat gârâmâ aregât keige hârem panben. Wan âlepŋe? Keige konogâk manmâ manman âlepŋân ariwai me keige lâuwâ lâuwâ âlepŋe manmâ mom âmâ kâlâwân manbiat? <sup>46</sup>Amâ hemem kâlâwân naneyenŋe bo mombiap. Dâ kâlâp amâ bo bokbiap. <sup>47</sup>Dâ dewungande bâleŋaet paŋgoŋân kat gekberâmbo âmâ mem hârem panben. Gâ dewunge konok manbiat âmâ Anutugât amukŋân ariwen amâ âlepŋe. Dâ dewunge lâuwâ lâuwâ âlepŋe manmâ mom âmâ kâlâwân manbiat amâ bâleŋe. <sup>48</sup>Amâ hemem kâlâwân naneyenŋe bo mombiap. Dâ kâlâp bo bokbiap. <sup>49</sup>Luâk hârok kâlâp kâtembe olowâk miawakyeŋgiwiap. <sup>50</sup>Akto kâtembe are ukenŋe gârâmâ bâlimbo âmâ gain gain aktenŋe kârikŋeŋe lâuwâŋe miawakbiap? Amâ bo. Aregât ye kâtembe ukenŋe hinare akmâ manmâ galagât agaŋgi goaŋgi akbiâ biwiyenŋe sândugewiap.” dâep.

### Âmbâle mem bo hepunyekbaengât den.

**10** <sup>1</sup>Yesu arewa togom Yudaia hânân Yodaŋ tu biken togoep. Togom ain mando luâk âmbâle dondâ yâkgâlân togombiâ akmâ malep hainâgâk den totokom makyenŋiep.

<sup>2</sup>Hain akto Parisaio luâkŋe dop koaŋberâm aregât hin maganŋi, “Luâk siâŋe âmbenŋe hepundo nengât den bâliwiap me bo?” dâyi. <sup>3</sup>Hain

dâmbiâ den hâuŋe hin makyenŋiep, “Moseŋe ulikŋân aregât den gain gain makmâ miawak yenŋiep?” dâmbô <sup>4</sup>hin dâyi, “Siâŋe âmbenŋe hepunberâm âmâ kulem esenŋe kulemgom waŋmâ watbiap. Moseŋe aregât nânŋâ nengiep.” dâyi. <sup>5</sup>Hain dâmbiâ Yesuŋe hin dâep, “Moseŋe ye hanyenŋe kârikŋaet akmâ den kârikŋe ire kulemgoep. <sup>6</sup>Dâ Anutuŋe ulikŋân hân me himbim me wan me wan kotŋe hârok ketugum luâk âmbâle katyelegep <sup>7</sup>aregât luâk siâŋe memenŋe ewenŋe hepun yelekâm âmbenŋe olop manbiandat. <sup>8</sup>Hain akmâ hâk me biwiyetŋe konogâk akmâ manbiandat. Den hain yendâpŋât yâk lâuwâ bo konogâk akmâ mandat. <sup>9</sup>Anutuŋe mem mendugu yelegepŋât luâkŋe bo mem potat yelekbai.” dâep.

<sup>10</sup>Hain dâmbô arim metembiâ purik katmâ togom emelan âgâmbô hoŋ bawalupŋande hin maganŋi, “Hinŋe makyenŋiât are den keiŋe gain gaingât?” dâmbiâ hin dâep, <sup>11</sup>“Luâk siâŋe âmbenŋe hepunmâ siâ membiap âmâ yâk âmbâle aregât hâkâŋ aŋanmâ mem bâlim dosa humo akbiap. <sup>12</sup>Dâ âmbâle siâŋe luâkŋe hepunmâ siâ membiap âmâ yâkŋe dewati dewatietŋe hârewiap aregât dosa humo membiap.” dâep.

#### **Yesuŋe nanaŋlupyenŋe Anutugât pat makyenŋiep.**

<sup>13</sup>Akto luâk âmbâle bikŋande Yesugâlân nanaŋlupyenŋe meyekmâ arimbiâ bâtŋande mem howaiyegâk gât lokoyekmâ ariyi. Hain akbiâ hoŋ bawalupŋande watyekberâm akbiâ Yesuŋe nânŋâmbo bâlimbo hin dâep, <sup>14</sup>“Ye hepunbiâ nanaŋ are nânŋâlân togoŋet. Ye bo gangerâ yekŋet dâŋet. Nanaŋ hain arekŋe âmâ Anutugât amukŋân manmai. <sup>15</sup>Aregât makyenŋire nânŋâŋet. Nanaŋ hin arekŋe akmai âmâ luâk siâŋe areyengât dop hainare akmâ Anutugât welam bo gangerâwiap âmâ Anutuŋe damunŋe bo akbiap.” dâep. <sup>16</sup>Hain dâm nanaŋ are mem menduguyekmâ yâk yenŋât Anutu ulilaŋep.

#### **Luâk kotdâ siâŋe sikumŋe mem gangerâm biwiŋe Yesugâlân bo kalep aregât den pat.**

<sup>17</sup>Akto arewa arim mando dâwân luâk siâŋe pârigin togom kânŋom tatmâ hin aikoep, “Humone, gâmâ âlepŋe amboŋe. Nâ agak meme gain hinare akmâ âlepŋe aktere Anutuŋe makto âmâ kârikŋe manmâ âgâwian?” dâmbô <sup>18</sup>hin maganŋep, “Âlepŋe amboŋe âmâ Anutu konok. Gârâmâ gâŋe âlepŋe amboŋe dâm makniŋdât aregât den makmakgaet damun akben. <sup>19</sup>Akto gâŋe den ainuguât aregât hâuŋe hin makŋindere nânŋâ. Gâ Anutuŋe den kârikŋe kalep are nânŋâmat me bo? Gâ kuk bo akben. Âmbenŋe bo hepunben. Kâmbu bo akben. Gâ siâgât hianŋi den bo makben. Siâŋe wan me wan giŋdo dop hainâk waŋmenâ ârândân akbiap. Akto memege ewege yetgât lau lokowen.” dâep. <sup>20</sup>Hain dâmbô luâk arekŋe hin dâep, “Humo, nâ are nanaŋânbak akmâ gaman.” dâep. <sup>21</sup>Hain



dâmbô Yesuŋe ekmâ yâkgât okotŋe nângâ aŋmâ hin magaŋep, “Konok tatâp are akben. Amâ hin. Gâ arim âmâ ito sikum tatgindâp are potatmâ luâk umburuk yeŋgimenâ nâ olop ariwaet. Gârâmâ aregât hâuŋe hâmbâi Anutuŋe giŋbiap.” dâep. <sup>22</sup>Hain dâmbô den are nângâm siâ siâ dondâ yeŋep aregât nângâm biwiŋe umatŋe akto gem ariep.

<sup>23</sup>Arimbo purik katmâ hoŋ bawalupŋe yekmâ hin makyenŋiep, “Luâk sikumdâŋe Anutugâlân arienŋe damun nenŋe agâk dâm ariwerâm âi humo membai.” dâep. <sup>24</sup>Hain dâmbô nângâm sân sân membiâ totokom hin makyenŋiep, “Luâklupne makyenŋire nângâŋet. Luâk siâŋe Anutuŋe damunne agâk dâm âmâ biwiŋe Anutugâlân katberâm akmâ âi humo membiap. <sup>25</sup>Bau siâŋe piŋgi dâpŋânba gewopgât âmâ dâp bo yendâp. Hainâk luâk ito sikumyeŋe humo olopŋe Anutugât pat nângâwerâm akbai amâ dâp bo miawakyeŋgiwiap.” dâep. <sup>26</sup>Hain dâmbô nângâm sân sân mem hin magaŋgi goaŋgi akmâ dâyi, “Ya maktâp aregât niŋande âmâ âlepŋe Anutugât manman âlepŋân ariwiap?” dâyi. <sup>27</sup>Hain dâmbiâ yekmâ hin makyenŋiep, “Anutugât manman âlepŋân ariwaigât luâk nângâ nângâyeŋe watbiâ bo meawakmap. Anutu konokŋe wan me wan mem miawakbiapgât bo pâpkomap.” dâep. <sup>28</sup>Hain dâmbô Petoroŋe den are nângâm hin dâep, “Nângât? Nen âmâ siâ siâ nenŋe hârok hepunmâ metem âmâ gâ olop manmaen.” <sup>29</sup>Hain dâmbô hin magaŋep, “Nâ bundâk makbe. Siâŋe emet me emiteu me mama gari me meme ewe nanaŋ me âi kalam me wan me wan are nângât dennaet aregât akmâ hepun yekbiap aregât hâuŋe hâmbâi Anutuŋe waŋbiap. <sup>30</sup>Waŋdo sambe humo dondâŋe membiap. In hânân emet opmân emi teu akto mama gari meme ewe nan barat me âi kalam siâ me siâ are hâk hilâlâm kakŋân miawagaŋbiap. Dâ beirâ maleine âmâ manman kârikŋe mem manbiap. <sup>31</sup>Dâ siâŋe hinŋe hâkŋe mem agatbiap are âmâ hâmbâi Anutuŋe mem hamiŋângen katbiap. Dâ siâŋe hinŋe hâkŋe mem gewiap are âmâ Anutuŋe hâmbâi tângombo ulik gulik akbiap.” dâep.

### **Kombiâ mombiap aregât den.**

<sup>32</sup>Yesuŋe Yerusalem kepiân âgâwerâm akmâ yâkŋe soŋ akmâ arimbo hoŋ bawalupŋande are ekbiâ dâtŋe agep. Dâ hamiŋângenba luâk âmbâlê watmâ togoyi arekŋe âkâ hamewagi. Hain akmâ arimbiâ Yesuŋe hoŋ bawalupŋe keiân lâuwâ are yoŋâk mendugu yekmâ wan me wan miawak aŋbiap aregât den hekat yeŋgim hin dâep, <sup>33</sup>“Nen Yerusalem kepiân âgâenŋe ain mandenŋe âmâ luâk akmâ geân nâ siâŋe sumbe kat kat luâk areyeŋgât humomolupyenŋe akto Mosegât den kârikŋe makmâ miawakmai are kewuguyekto arekŋe togom menekmâ kondenŋe moâk dâm Roma yeŋgâlân katnekbai. <sup>34</sup>Hain akmâ den hembalik akniŋmâ tâwut nugum lâwinân nugumbiâ hâk hilâlâm nângâm mombian. Hain akniŋbiâ mondere hannugumbiâ hilâm âlâwu akto golâ akmâ agatbian.” dâep.

### Yakopo akto Yohane yâkŋe Yesu ulilaŋjat.

<sup>35</sup> Akto sop ain Sebedαιο nanlogâtŋe Yakopo akto Yohane, yâkŋe Yesugâlân arim hin dâyiati, “Humonetŋe, net wan siâgât ulit giŋberâm aktet are netkiwerât me bo?” dâmbela hin makyetkiep, <sup>36</sup> “Aregât keiŋe makniŋbela nâŋgâwe.” dâmba hin dâm maganiat, <sup>37</sup> “Sop siân pagaleŋe olop togom luâk âmbâle hârok damunyeŋe akbialân net menelekmenâ netŋe luâk âmbâle hârok damunyeŋe aktetŋe gâŋe âmâ nen hârok damunnenŋe akbiati.” dâyiati. <sup>38</sup> Hain dâm ulilaŋbela hin makyetkiep, “Yet aregât keiŋe pâpkom hain maktat. Nâ tu nembian are yet âlepŋe nemiandat mon? Me tu utunŋande puliakbian are yet âlepŋe puliakbiandat mon?” dâmba <sup>39</sup> hin maganiat, “Âlepŋe aktetŋe miawaknetkiwiap.” dâmbela hin makyetkiep, “Nâ tu nembian are yet bundâk nemiandat. Akto tu puli puli are miawakniŋbiap arekŋe yet gai miawakyetkiwiap. <sup>40</sup> Gârâmâ biken biken ginnân tatbiandatgât amâ nâŋgât pat bo. Anutunŋe nâŋgâm kepilâm yetkiep. Irawot Humoŋe damunyeŋe akbiap sop ain Anutunŋe luâk lâuwâ nâŋgâm kârikŋe yetkimbo nâŋgât amuknân kinmâ wan me wangât damun akbiandat.” dâep. <sup>41</sup> Hain dâm makyetkimbo hoŋ bawalupŋe bikŋande yâk yetgât den are nâŋgâmbiâ ârândâŋ bo agep. <sup>42</sup> Akto Yesuŋe hoŋ bawalupŋe mendugu yekmâ hin makyenŋiep, “Hângât luâk kembuŋe luâk damunyeŋe akmâ âmâ hoŋ bawalupŋe meyekbiâ manmai are âmâ nâŋgâmai. <sup>43</sup> Dâ yeŋgâlân âmâ hain bo miawakbiâp. Yeŋgâlânba siâŋe luâk kotdâ akberân dâm galalupŋe yâk yeŋgât hoŋ bawa manbiâp. <sup>44</sup> Gârâmâ yeŋgâlânba siâŋe Anutunŋe nekto ârândâŋ agâk dâwiap âmâ galalupŋe yeŋgât hoŋ bawa akmâ manbiâp. <sup>45</sup> Hoŋ bawalupnande tân nuguŋet dâm aregât bo geân. Hoŋ bawa âi mem luâk âmbâle dondâ are yeŋgât dosa bo akyenŋiwiapgât mombian aregât Ewenande huŋgun niŋdo geân.” dâep.

### Yesuŋe dâmba luâk siâ dewunŋe hulaŋ akto emet egep.

<sup>46</sup> Yesu akto hoŋ bawalupŋe Yeriko kepiân âgâyi. Âgâm arewa arimbiâ hami yeŋângenba luâk âmbâle dondâ ariyi. Arimbiâ dâp giŋŋân luâk dewunŋe bokbokŋe puligât ulityenŋim talep. Luâk are kotŋe Batimaio yâkgât eweŋe kotŋe Timaio, yâkŋe dâp giŋŋân tatmâ ulityenŋiep. <sup>47</sup> Akto Yesu Nasarete gâtŋe arekŋe togoepgât den are nâŋgâm konmâ hin dâep, “Yesu, gâ Dawidigât hakuŋe nâŋgât okotge agâk.” dâep. <sup>48</sup> Hain dâm kondo luâk âmbâle togoyi arekŋe nâŋgâm hâkân akmâ den yoŋâk dâyi. Hain dâmbiâ yâkŋe denyeŋe bo nâŋgâm hainâk kolep, “Dawidigât hakuŋe nâŋgât okotge agâk.” <sup>49</sup> dâmba nâŋgâm dâwân kinmâ hin dâep, “Maganbiâ gulâk.” dâmba dewunŋe bokbokŋe are konmâ hin dâyi, “Gogondâp gârâmâ kambiamge sândugembo agatmâ ari.” <sup>50</sup> Hain dâmbiâ nâŋgâm ainâk sâŋgum kakŋân gâtŋe are hulaŋmâ katmâ agatmâ yâkgâlân gulep.

<sup>51</sup> Guto hin dâm aikoep, “Gain gain akgiṅbegât nângât?” dâmbo dewunṅe bok bokṅe arekṅe hin dâep, “Humo, âlepṅe ek dâmenâ dewunne hulaṅ akniṅdo âlepṅe ekbe dâm aregât ulitgiṅdân.” dâep. <sup>52</sup> Hain dâmbo hin maganep, “Gâṅe biwige nângâlân katât aregât heṅgem guguwerân.” dâep. Hain dâmbo ainâk dewunṅe hulaṅ akto Yesu olop ariyi.

### Yesuṅe Yerusalem kepiân âgâm ariep.

**11** <sup>1</sup> Arim kepia kotṅe Betepage akto Betania ewangi yelemâ arewa arim Yerusalem ewumâk akto Oliwa gimbanṅân togoyi. Ain togom Yesuṅe hoṅ bawalogâtṅe lâuwâ huṅgun yetkim hin dâep, <sup>2</sup> “Kepia ewumâk tatâp âuren âgâm arim ain doṅgi nanṅe hikombiâ kindâp are ekberat. Amâ doṅgi nanṅe are luâkṅe kakṅân bo tatmai irakṅe are ekmâ hulaṅmâ mem togoet. <sup>3</sup> Hulaṅbela âmâ luâk siâṅe, “Wangât hulaṅdat?” dâmbo hin dâm maganep, “Humonetṅande iregât dâm huṅgun netkiâp. Gârâmâ mem arietṅe âi bo akto benṅe mem purikatbaet.” yet hain dâwerat.” <sup>4</sup> Yesuṅe hain dâm huṅgun yetkimbo hoṅ bawalogâtṅe lâuwâ arekṅe arim doṅgi nanṅe emet siâgât hânṅiân hikombiâ kindo ekmâ hulaṅiat. <sup>5</sup> Tâk hulaṅbela âmâ luâk kili arekṅe yelemâ hin dâyi, “Woe, niṅande dâmbo hulaṅdat?” dâmbiâ <sup>6</sup> Yesuṅe den makyetkiep a makbela nângâm âlepṅe mem ariet dâmbiâ mem ariyat. <sup>7</sup> Hain akto Yesugâlân mem arim sâṅgum kakṅân luguakmini are kakṅân katbiâ yâkṅe âgâ talep. <sup>8</sup> Âgâ tato luâk dondâṅe sâṅgum kakṅân luguakmini are dâwân leṅgaim ariyi. Dâ bikṅande âmâ kalamânba siâ siâ esenṅe ligim katmâ ariyi. <sup>9</sup> Luâk âmbâle dondâ olop ariyi arekṅe âmâ hin koli, “Woe, heṅgemnengumapṅe kembugât laugât togonengiât aregât dâm âlepṅe akgiṅṅe. <sup>10</sup> Hakunenṅe Dawidi yâkṅe âmâ hân humo akto luâk âmbâle dondâ damunyeṅe agep are hainâk gâṅe damunnenṅe akbiat. Gâṅe damunnenṅe akbiatgât mâruṅe akten. Anutu kotṅe mem agatne.” dâyi.

<sup>11</sup> Hain aganṅbiâ Yerusalem kepiân togom sumbe kat kat emetṅân âgâep. Âgâm siâ siâ hârok yekmâ metem emet eṅgainṅe akto gem hoṅ bawalupṅe keiân lâuwâ meyekto Betania kepiân âgâyi.

### Yesuṅe makto lâwin siâ ululun âgâep.

<sup>12</sup> Betania kepiân âgâm yem kinbiâ hauṅdo yâk olop gem Yesuṅe sotgât mopṅe agumbo <sup>13</sup> lâwin siâ lowot hainare esenṅe olop kâlêwângen ekmâ koanṅe yendâp me bo dâm ari ekto bo agep. Bunṅe sopṅe boâk akto esenṅeâk kilep. <sup>14</sup> Hain ekmâ lâwin aregât hin dâep, “Lâwin iregât koanṅe lâuwâṅe bo yembiap.” dâmbo hoṅ bawalupṅande nângâyi.

### Yesuṅe sumbe opmânâba watyegep.

<sup>15</sup> Akto Yesu olop Yerusalem kepiân âgâyi. Âgâmbiâ Yesuṅe sumbe kat kat opmânṅân âgâm luâk âmbâleṅe kotṅe siâ siâ katmâ aṅgim kili are

watyekmâ siâ siâyene me kembâ welamne me puli kat kat welamne mem kâwulep. <sup>16</sup>Opmânân siâ me siâ agaŋgiyi are watyekmâ hin makyengiep, “Sumbe kat kat opmânân inba wan me wan bo mem aŋgi goaŋgi akmâ bam gutŋet. Ye ariŋet.” dâep. <sup>17</sup>Hain dâm âmâ wan me wan hekat yengiwêrâm hin dâep, “Anutuŋe makyengimbo kulemgoyi are hin tatâp, “Nâŋgât emet amâ wangât kindâp? Luâk âmbâle hân hârok nâ olop tatmâ magaŋgi goaŋgi akbaengât kindâp.”

Miti kulem hainâk yendâp are hâkân akmâ hepunbiâ bâlene akmai are yengât emet hainare aktâp.” dâep. <sup>18</sup>Hain dâmbo sumbe kat kat luâk akto Mosegât den makmâ miawagi luâk arekne ekmâ, “Gain gain akmâ kondene mombiap.” dâm magaŋgiyi. Luâk âmbâle hârok Yesugât den âlepne aregât nâŋgâmbiâ dâtne akto aregât sumbe kat kat luâk me Mosegât den kârikne makmini are luâk âmbâle dondâ Yesugât den âlepne nâŋgâm hamewakmai. Aregât, “Gain gain akmâ kondene mombiap.” dâyi. <sup>19</sup>Emet dâgâmbo Yesu kepia humo hepunmâ ariep.

#### Lâwin ululun dâep aregât keiŋe.

<sup>20</sup>Yem kinbiâ haunjo âmâ dâwân ariyi. Akto arim arim lâwin magep are momberâm kândârânân bak âgâm ululun kârân kindo egi. <sup>21</sup>Hain kindo ekmâ Petoroŋe Yesuŋe magep are nâŋgâm Yesu hin magaŋep, “Wei, Apo ek. Lâwin den umatne kakŋân kalen ina ululun dâm kindâp.” dâmbo <sup>22</sup>hoŋ bawalupne hin makyengiep, “Ye den bunne hin makyengire nâŋgâŋet. Ye biwiyeŋe Anutugâlân katŋet. <sup>23</sup>Luâk siâŋe hân gimbâŋe ekmâ hin dâwiap, “Gimbâŋe are hogoakmâ haruân geâk.” dâm âmâ biwiŋe Anutugâlân katmâ han lâuwâ bo akmâ nâŋgâm heŋgemgom makto âmâ are bunne miawakto gimbâŋe are hogoakmâ gewiap. <sup>24</sup>Aregât hin makyengiwe. Yeŋe siâ me siâgât nâŋgâm Anutu ulilaŋmâ are emelâk miawaknengiâp dâm han lâuwâ bo akbiâ âmâ are âmâ Anutuŋe yengiwêrâm. <sup>25</sup>Dâ yeŋe ulilaŋberâm kinmâ, luâk siâŋe bâlene akŋep aregât dosa kutigitân dâmbiâ âmâ Eweyeŋande hainâk yengât dosa hepunbiap. <sup>26</sup>Dâ yeŋe luâk yengât dosa mem gangerâwai âmâ hainâk yengât dosa mem gangerâwiap.” dâep.

#### Parisaioŋe aikombiâ Yesuŋe ikiŋe keiŋe bo makyengiep.

<sup>27</sup>Hain dâm arewa Yesu akto hoŋ bawalupne arim Yerusalem kepian togom sumbe opmânŋân âgâmbiâ sumbe kat kat luâk areyengât humomolupyeŋe akto Mosegât den kârikne magi luâk are akto Yuda yengât damun yâkne yâkgâlân togom hin dâyi, <sup>28</sup>“Gâ wan me wan akmat are niŋaet lau lokom kinmâ akmat? Niŋande hain akdâm makŋindo akmat?” dâmbiâ <sup>29</sup>hin dâm makyengiep, “Nâ den konok aiyengure makniŋbiâ âmâ nâkâ hainâk niŋaet laugât wan me wan akman aregât hâuŋe makyengiwêrân. <sup>30</sup>Yohanene tu puli âi miep a niŋaet

laugât hain akminep. Anutugât laugât me luâk yengât laugât akminep aregât makbiâ nângâwe.” dâep. <sup>31</sup>Hain makyengimbo yâkne hin dâm maganji goanji agi, “Nen Anutugât lau lokominep dâenje âmâ yâkne hin maknengiwerâp, “Woe, aregât wangât denje bo nângâm lokoyi.” dâmbo aŋun aŋgiwâen. <sup>32</sup>Dâ, “Luâk yengât lau lokominep.” dâenje luâk yu kindâi irekne Yohane propete dâm kuk nengiwiâi. Aregât gain gain maganberen?” dâyi. <sup>33</sup>Hain nângâm kinmâ Yesu hin maganji, “Yohane niŋaet laugât hain akminep nen bo nângâen.” dâmbiâ yâkâ hainâk dâep, “Nâkâ hainâk niŋaet laugât iren wan me wan agân aregât hâuŋe bo makyengiwerân.” dâep.

**Luâk bâleŋande kalam damunje akmâ tali aregât den umatje.**

**12** <sup>1</sup>Yesuŋe den ginŋe siâ hin makyengiep, “Luâk siâŋe hân siân tâk kotŋe waiŋ are kâmetmâ metem lope dâgâep. Akto waiŋ tuŋe pipikowaengât dâm kondo ketugum heŋgemgom damun yengât emet mem âi kalam hârok ketugum metem hoŋ bawalupŋe hin makyengiep, “Kalam ire damunje akŋet.” dâm hân siâŋen ariep. <sup>2</sup>Arim manmâ sop kâlep mando sot bunŋe akto âi luâk siâ sot bunŋe bikŋe meâkgât huŋgun aŋdo ariep. <sup>3</sup>Arimbo damun luâkŋe mem kom watbiâ yân purik kalep. <sup>4</sup>Purik kato benŋe amboŋande âi luâk siâ huŋgun aŋdo arimbo kautŋe kom hioŋmâ mem bâliyi. <sup>5</sup>Benŋe amboŋande totokom hoŋ bawa siâ huŋgun aŋdo yâk yengâlân arimbo kombiâ moep. Kombiâ mondo amboŋande luâk dondâ huŋgun yengimbo arimbiâ âi damunŋande kuk akmâ bikŋe sâwâ yengum bikŋe momoŋe yenguyi. <sup>6</sup>Akto kalam amboŋe aregât nanŋe konok malep. Akto amboŋande hin dâep, “Nune nanne okotne nânganman aregât huŋgun aŋberân. Huŋgun aŋdere arimbo yâkgât amukŋân manbai.” dâep. <sup>7</sup>Hain dâm amboŋande nanŋe huŋgun aŋdo arimbo âi damunŋe nanŋe are ekmâ maganji goanji akmâ dâyi, “Humo nenŋaet nanŋe togoâp. Eweŋe mondo âi hân ire yâkne membopgât kondenŋe moâk. Hain aktenŋe âi ire nengât akbiap.” dâyi. <sup>8</sup>Hain dâm mem kombiâ mondo kalam ginŋanŋen panbiâ yiep. <sup>9</sup>Hain akbiâ âi amboŋe are gain gain akbiap? Yâk togom damun are momoŋe yengum damun âlepŋe siânba katyekbiap. Aregât keiŋe makyengire nângâŋet. <sup>10</sup>Anutuŋe propete makyengimbo kulemgoyi yendâp are oyanmâ nângâmai me bo? Den are hin tatâp.

Emet ketugu ketuguân luâkŋe lâwin siâ ekmâ hâkŋe hâkŋe dâm panbiâ yendo Anutuŋe lâwin are mendo emetgât kunkun kârikŋe agep. <sup>11</sup>Are dewunnennande ekmâ ire âmâ Humoŋe mem miawaktâp dâm kambiamnenŋe agatmap.”

<sup>12</sup>Yesuŋe Anutugât den tâmbâŋe dâmbo Yuda yengât humomolupyeŋande maganji goanji akmâ hin dâyi, “Den ire nen dop nenguwerâm maktâp.” dâm kambiamyeŋe bâlimbo aregât mem kala busi

kâlegen ain katberâm agi. Hain agi arekŋe luâk âmbâle dondâ yengât hamewakmâ hâumgom yân hepunmâ ariyi.

### Yesu puligât aikoyi.

<sup>13</sup>Hepunmâ arim Parisaio luâk bikŋe akto Herotegât hoŋ bawalupŋe bikŋe Yesugât denŋe hami kom mânŋi agaŋŋetgât huŋgun yengiyi. <sup>14</sup>Huŋgun yengimbiâ togom hin maganŋi, “Humo, gâŋgât keige nâŋgâen. Gâ hiaŋgi den bo makmat. Bunŋeâk makmat. Akto horat gorat bo akmat. Gâ luâk hârok Anutugât dâp âlepŋe makmâ hekat yengimat aregât makmenâ nâŋgâne. Nen Roma luâk siâ damun nenŋe kotŋe Sisa are puli waŋmaen are âlepŋe me bo? <sup>15</sup>Puli waŋbaen me bo?” dâyi. Hain dop kombiâ biwiyenŋe keiŋe ekmâ nâŋgâm hin makyenŋiep, “Ye nâ denne hami kom katmâ dop nuguâi me? Puli koaŋe siâ mem niŋbiâ ekbe.” dâep. <sup>16</sup>Hain dâmbô waŋbiâ mem agatmâ hekatyenŋim hin dâep, “Puli ire ekŋet. Iregât otneŋe akto kot ire niŋaet?” dâmbô yâkŋe dâyi, “Romagât damun nenŋe kotŋe Sisa yâkgât otneŋe.” dâmbiâ <sup>17</sup>hin makyenŋiep, “Wan me wan Sisagât are âmâ humo purik katmâ Sisa waŋbei. Dâ wan me wan Anutugât are âmâ purik katmâ Anutu waŋbei.” dâep. Hain dâm makyenŋimbo den are nâŋgâmbiâ dâtŋe akto bâtyenŋe dâtyenŋân igim kinbiâ hanyenŋe undup agep.

### Momoŋân agatbaengât aikoyi.

<sup>18</sup>Akto den makmak luâk siânba kotyenŋe Sadukaio luâk are togoyi. Luâk arekŋe momoŋânba luâk bo agatmai dâmini. Yâkŋe togom hin dâyi, <sup>19</sup>“Humo, Moseŋe ulikŋân hin dâm kulemgœp are oyaŋmaen, “Luâk siânŋe âmbâle mendo nanaŋ bo miawakto mondo emiŋande kambut mem teuŋaet pat nanaŋ mem miawakbiap.” Moseŋe hain kulemgœp aregât hin dâne. <sup>20</sup>Emi teu nâmbulân lâuwâ mali. Hain manmâ ulikŋân teuyenŋande âmbâle mem nanaŋ bâlâk manmâ moep. <sup>21</sup>Mondo emiŋande kambut are mem hainâgâk nanaŋ bâlâk manmâ manmâ mondo emiŋe siânŋe âmbâle kambut areâk miep. <sup>22</sup>Emiteu nâmbulân lâuwâ arekŋe âmbâle konok are mem nanaŋ bâlâk manmâ mom meteyi. Bâiŋe kambutyenŋe are hainâgâk moep. Akto luâk nâmbulân lâuwâ are hârogâk âmbâle konok areâk mem mom meteyi. <sup>23</sup>Gârâmâ sop bânŋân agatbaiân âmbâle are niŋaet âmbenŋe akbiap?” dâyi. <sup>24</sup>Hain aikombiâ yâkŋe hin makyenŋiep, “Ye Anutuŋe makyenŋimbo kulemgoyi are akto Anutugât kârikŋeŋaet pâpkomai aregât nâŋgâm hilipkom hain dâmai. <sup>25</sup>Luâk me âmbâle momoŋânba agatmâ yâk himbimân aŋelo mandâi hainare akmâ luâk âmbâle meak meak are hepunmâ yân manbai. <sup>26</sup>Gârâmâ Anutugât denân momoŋânba agat agat aregât keiŋe makyenŋire nâŋgâm heŋgemgoŋet. Den ire Moseŋe hin kulemgœp. Mose yâk lâwinân kâlâp ululunŋe miawakto ekmâ arimbo Anutuŋe hin maganŋep, “Nâ Abraham akto Isaka

akto Yakopo yâk yengât damunyeŋe akman.” dâep. <sup>27</sup>Anutuŋe hain dâep aregât ye wangât, “Luâk mom âmâ hâkŋe akto otneŋe hârok momo yânŋe akmap.” dâmai? A bo. Luâk âmbâle ulikŋân manmâ biwiyenŋe Anutugâlân katmâ manmâ moyi. Dâ otneyenŋe âmâ golâk mandâi.” dâm makyenŋiep.

**Anutuŋe den kârikŋe kalep ain gâtŋe wan soŋ lokowaengât aikoep.**

<sup>28</sup>Akto den nâŋgâ nâŋgâ luâk siânŋe togom yekmâ kindo Sadukaio luâkŋe aikombiâ Yesuŋe den hâuŋe âlepŋe makyenŋimbo ekmâ Yesu hin aikoep, “Anutuŋe den kârikŋe kalep ain gâtŋe wan soŋ lokowaen.” dâmbo <sup>29</sup>hin dâep, “Anutuŋe makto kulemgoyi are bikŋe hin tatâp. Israe yengât hakulupyenŋe ye makyenŋire nâŋgâŋet. Kambu Anutunenŋe kambu bunŋe yâk konok mandâp. <sup>30</sup>Yeŋe yâkgâlân biwi kambiamyenŋe me nâŋgâ nâŋgâyenŋe katbei. Yâkgât âi akto den me lau aregâlâk nâŋgâm kârikŋe akmâ hanyenŋe konogâk manbei. <sup>31</sup>Akto den siâ hin yendâp. Ye yeŋaet aganŋimai hainâk luâk siâ aganŋbei. Anutugât den kârikŋe ire kakŋân siâ bo tatâp.” dâep. <sup>32</sup>Hain dâmbo Mosegât den kârikŋe makyenŋimini areyengâlân gâtŋande hin dâep, “Humo, gâŋe den dâmenâ nâŋgâre ârândân aktâp. Anutu yâk bundâk kambu bunŋe. Yâk konok. Yâk hainare siâ bo mandâp. <sup>33</sup>Gârâmâ nâ han nâŋgâ nâŋgâ kârikŋe yâkgâlân katbian. Akto nenŋe aganŋimaen are hainâk siânba akyenŋienŋe ârândân akbiap. Akto Anutugât sumbe me wan me wan siâ aganŋdenŋe den lâuwâ are bo ewangimap.” dâep. <sup>34</sup>Hain dâmbo Yesuŋe nâŋgâmbô ârândân akto hin maganŋep, “Gâ Anutugât amukŋân manberâm ewumâk aktât.” dâep. Sop ain luâkŋe Yesu aikowerâm akmâ Yesuŋe den hâuŋe âlepŋe makyenŋiep are nâŋgâmbiâ umatŋe akto hamewakmâ hepuli.

**Yesuŋe ikiŋaet keiŋaet aiyenŋuep.**

<sup>35</sup>Yesuŋe sumbe opmânŋân kinmâ hin dâm aikoep, “Mosegât den kârikŋe makmai are wangât hin dâmai, “Anutuŋe huŋgun anŋdo gewiap are âmâ Dawidigât kâmot are yengât hutyenŋân miawakbiap.” dâmai? Amâ hianŋimai. <sup>36</sup>Akto ulikŋân Anutugât Heakŋande Dawidi kautŋân mendo hin dâep,

Anutu Humoŋe nâŋgât Humone hin maganŋep, “Gâ enemnân togom bâte bungen tatmenâ gasalupge keigaet amukŋân kâmot katere tâliyekbiat.” dâep.

<sup>37</sup>Aregât den keiŋe hin. Dawidiŋe ikiŋe Humo dâm kolep. Aregât âmâ gain gain akmâ yâk âmâ Dawidigât kâmolân gâtŋe miawakbiap dâwai?” dâep. Hain dâmbo kâmot humo arekŋe denŋe nâŋgâmbiâ dâtŋe akto heronŋe agi. <sup>38</sup>Sop ain Yesuŋe den dewatim hin makyenŋiep, “Ye Mosegât den kârikŋe maknengimai are hepun yekbei. Yâkŋe hâkyenŋe mem agat agat akmai. Hain akmâ luâkŋe dâwân nenekmâ, “Woe nâŋgâ

nângâ luâk yengât agak meme âlepŋe akmai.” dânet dâm aregât sângum kâlep lalakmai. <sup>39</sup>Akto areâk bo. Hâkyeŋe mem agatmâ hin akmai. Den opmânŋân me mendugu mendugu opmânŋân luâk âmbâle arekŋe tatmâ nenekmâ egâliar nenekŋet dâm aregât enemyeŋân tatmâ yeŋaet nângâmbiâ âgâmap. <sup>40</sup>Hain akmâ âmbâi kambut yengât emet akto kotŋe siâ siâ kâmbu memai. Hain akmâ luâk âmbâle bikŋe yengât dewunyeŋân kinmâ den kâkâlep Anutugâlân makmai aregât Anutuŋe hâuŋe bâleŋe yengimbo dowâk hamep akbai.” dâep.

### Âmbâle kambut umburuk siâŋe Anutugât pat dâm puli kalep.

<sup>41</sup>Yesuŋe sumbe emetŋân âgâmbô luâk âmbâle dondâ togom puli kat kat kondoân puli katbiâ gembo yegep. <sup>42</sup>Hain akbiâ yekmâ tato sikum luâkŋe puli katbiâ giep. Hain akbiâ âmâ âmbâi kambut siâŋe âmâ togom puli gutŋe gilâmŋe lâuwâk kalep. <sup>43</sup>Akto Yesuŋe are ekmâ hoŋ bawalupŋe yengondo gutbiâ hin makyengiep, “Imâ bunŋe makbe. Âmbâi kambut umburuk irekŋe âmâ yeandâp are hâroġâk katmâ meteâp aregât bikŋe yengât dop ewangiâp. <sup>44</sup>Bikŋande âmâ humo yeyengimbo bikŋeâk katâi. Dâ âmbâi kambut umburuk ire âmâ talaŋdâp dopŋân hârok katmâ meteâp. Siâ bo talaŋdâp.” dâep.

### Sumbe emetŋe patakôm hilipkowai aregât magep.

**13** <sup>1</sup>Hain dâm sumbe emetŋânba gem ariwerâmbô hoŋ bawaŋe siâŋe hin dâep, “Humo ek. Sumbe emetŋe âlepŋe dondâ kât hamepŋe olowâkŋe ketugum heŋgemgoyi.” dâmbô <sup>2</sup>hin magaŋep, “Sumbe emetŋe yu ektâi ire hâmbâi gasalupyenande togom hârem gagaim itinj gulam ketuguwai.” dâep.

<sup>3</sup>Yesu akto hoŋ bawalupŋe gimbâŋe kotŋe Oliwa ain âġâyi. Âġâm âmâ sumbe emetŋe humo are gimbâŋe biken tato egi. Ain tatmâ Petoro, Yakopo, Yohane akto Anderea yâkŋe Yesu ikiŋaet aikom hin dâyi, <sup>4</sup>“Maktât are amuten miawakbiap? Akto den are bunŋe miawakberâm akto ain kulem gain gain hinare miawakbiap?” dâyi. <sup>5</sup>Hain dâmbiâ hin makyengiep, “Siâŋe nângâ nângâyene hilip kowopgât nângâm manbei. <sup>6</sup>Luâk dondâ miawakmâ nângât kolân hâk tunanŋim hin dâwai, “Nâmâ Anutuŋe huŋgun niŋdo geân.” hain dâmbiâ luâk dondâŋe han gulip akbai. <sup>7</sup>Akto den o hilo kot kamboŋ miawakto kugât pat nângâm hanyeŋe bo bâlim yeugewiap. Hain are miawagâkgât mak makŋe miawakto sop humo dowâk bo miawakbiap. <sup>8</sup>Akto hânŋe hânŋe kâmot humo bâleŋe akmâ arekŋe gasa akmâ agum walakmâ ariwai. Akto hainâk wariŋ mendo duwuŋ humo akbiap. Hain akmâ mop humo miawakmâ yembiap amâ hâk hilâlâm nângâwai. Hinŋe maktere nângâi are âmâ umatŋe aregât keiŋeâk miawakto hamiŋân umatŋe dondâ miawakbiap. <sup>9</sup>Ye heŋgem agum manbei. Yengât gasalupyenande denân



katyekmâ den opmânñan bugâñe yeŋguwai. Akto areâk bo. Nânġât akmâ luâk humomo yâk yeŋġâlân meyekmâ arimbiâ yâk yeŋġât dewunyeŋân kinmâ nânġât den makyenġiwai. <sup>10</sup> Akto denne hânġe hânġe sambelem arim metembo hârok nânġâwaiân âmâ sop humo miawakbiap. <sup>11</sup> Akto gasalupyenġande hâkyeŋe tunmâ damunlupyenġe yâk yeŋġâlân me kiap yeŋġâlân meyekmâ ariwaiân âmâ luâk yeŋaet den gain gain den hânġe dâwaen dâm nânġâmâk bo akbei. Sop ain âmâ den makbai are Anutugât Heakġande dâm miawakmâ makyenġimbo âlepġe dâwai. <sup>12</sup> Sop ain âmâ luâk âmbâleġe hin akbai. Teuġande emiġe kiapġâlân katmâ hianġo kombiâ mombiap. Akto eweġande nanġe kiapġâlân katmâ hianġo kombiâ mombiap. Luâk âmbâi sisikġe ewe memelupyenġe kiapġâlân katmâ hianġbiâ nânġâmbo yeŋgumbiâ mombai. <sup>13</sup> Akto patne lokom manmai areġât luâk hârokġe yekmâ nânġâmbiâ âmâ kukġe olowâk umatġe olop manbai. Gârâmâ bikġande nânġât pat mem manbai âmâ Anutuġe tânyenġumbo biwiyeġe agato ârândânġâk manmâ âġâwai are âmâ Anutuġe meyekbiap.

#### **Siâ me siâ hâkġe hâkġe dondâ miawakbiap.**

<sup>14</sup> Ye kulem ire oyaġmâ nânġâm heŋgemġewei. Ye manmâ hâkġe hâkġe kautġe bâli bâliġe olop are bo kin kinġân kinbiap âmâ ye den ire nânġâmbiâ hain miawakto ekmâ nenguwâirâm Yudaia hânângenba pârigim gimbâñe siân âġâwai. <sup>15</sup> Akto kepia ginġân manbiapġe emetġe kâlegen purik katmâ âġâm ito sikumġe bo membiap. <sup>16</sup> Akto âiângenba manbiapġe kepian arim sâŋgum dâġâmġe bo membiap. Nuguwâirâm pârigim dowâk gimbâñe siân ariwiap. <sup>17</sup> Akto sop ain âmbâi tepdânġe me namân ġâtġe olowâkġe âmâ gain gain akbai? Umatġe olowâk akbai. <sup>18</sup> Areġât Anutu hin ulilaġbei, “Humo umatġe are tânâk kâlegen bo miawakbiap.” dâwai. <sup>19</sup> Akto sop ain siâ me siâ hârok wilâgem poyagem metewiap, dop hainare Anutuġe luâk liunmâ mânġiewân bak bo miawagep. Dâ manmâ gai bo miawakbiap. <sup>20</sup> Areġât kembuġe sop are bo dâm hârembo dâine luâk me âmbâle siâ me siâ bo manmâ kârikġe kinbop. Dâ Anutuġe ikiġe kâmotlupġe yâk yeŋġât akmâ âmâ sop areġât makto tâlâwâk akbiap. <sup>21</sup> Anutuġe hain dâwiap areġât nânġâm siânġe Anutugât hoġ bawa ġewiap are, “Iren nengâlân miawaktâp me yâk indâgen yeŋġâlân miawaktâp.” dâmbiâ âmâ bo nânġâwei. <sup>22</sup> Sop ain hianġi propete siâ me luâk siâ miawakmâ âmâ, “Anutuġe huġgun nengimbo damunyeġe akberâm geŷion.” dâm nânġât kâmotlupġe heyenġim yeŋġâlân dewatiwaigât âi humo membai. Akto siânġe miawakmâ nânġât kolân hâk tunanġim nânġât kâmotlupne hilipyenġuwaigât kulem humo memberâm areġât âi humo membai gârâmâ Anutuġe ye yekmâ nânġât dâtânġe dâm tânyenġumbo areġât hanyenġe hilipyenġuwaigât dop bo tatbiap. <sup>23</sup> Are boâk miawakto hinġe makyenġiân are nânġâm heŋgemġom manbei.

### Yesuŋe lâuwâŋe togowiapgât magep.

<sup>24</sup>Umatŋe humo are bo akto sop ain âmâ hândâk humo arekŋe dewutâ hilâm gâtŋe dâgâm yembiap. Akto dewutâ hândâkŋân gâtŋe bo pagalewiap. <sup>25</sup>Akto diâ hânân pekmâ gewai. Wan me wan kârikŋe himbimân yendâi are duwuŋ akbai. <sup>26</sup>Sop ain nâ luâk akmâ geân aregât lâuwâŋe hamandat kakŋân gem pagaleŋe olop kârikŋe akmâ gere nekbai. <sup>27</sup>Nâŋe aŋelolupne huŋgunyengim hin dâwian, “Hân himbim bâiŋângen arim luâk âmbâlelupne nune dâtâŋe dâman are meyekŋet.” dâm huŋgunyengire ariwai. <sup>28</sup>Ye lâut kotŋe kâli kak kak are nâŋgâi. Indembo âmâ, “Woe, dewutâ âlepŋe komberâm aktâp.” dâmai. <sup>29</sup>Hainâk hâmbâi wan siâ miawakbiap are ekmâ nâŋgâwai, are emelâk ewumâk akmâ Kristo togowerâm aktâp dâwai. <sup>30</sup>Nâ makyengire nâŋgâŋet. Luâk âmbâle yu mandâi ire manbiâk den maktân ire bikŋande ekbai. <sup>31</sup>Akto hân himbim âmâ bo akbiandat. Dâ denne irekŋe âmâ yem âgâwiap. <sup>32</sup>Akto maktân iregât sopŋe luâk siâŋe bo nâŋgâp. Akto aŋelo himbimân mandâi arekŋe bo nâŋgâi. Akto Anutugât nanŋe nâ bo nâŋgân. Ewene konok yâkŋe nâŋgâp. <sup>33</sup>Sop amuten wan me wan siâ miawakbiap dâm aregât nâŋgâm heŋgemgom manbei. Ye purik katbian sopŋe bo nâŋgâi. <sup>34</sup>Luâk siâŋe emetŋe hepunmâ kâlewângen ariwerâm akbiap. Hain akmâ âi luâklupŋe hin makyengiwiap, “Siâ siâ ire lâmgoŋet.” dâm âi are potatmâ ikiŋeâk ikiŋeâk yeŋgiwiap. Yeŋgim âi luâk siâ maganmâ hin dâwiap, “Gâ hâŋgiân ire damun kinben.” dâm ariwiap. <sup>35</sup>Aregât biwi golâk manbei. Gârâmâ emet damunŋande âi are mem âmâ purik katbiap aregât sopŋe bo nâŋgâmai aregât damun kârikŋe kinmâ manbei. “Eŋgaiŋe me hândâktâk, me gokorok indemboân me emet hauŋdo me <sup>36</sup>asiŋ yendere togom nekmâ watnekbop.” dâm hilâm ârândâŋ damun kârikŋe kinbei. <sup>37</sup>Den ire yeâk bo makyengiân. Luâk âmbâle hârok yeŋgât maktân. Amâ biwi golâk manbei.” dâep.

### Yesu konegât maganŋi goanŋi agi.

**14** <sup>1</sup>Akto hombaŋ siâ aregât kotŋe Pasowa are âi meme sopŋe lâuwâ bo akto miawakbiapgât ain sumbe kat kat luâk aregât humomolupyeŋe akto Mosegât den kârikŋe makmâ kepigi arekŋe âmâ hin dâyi, “Gain gain akmâ Yesu hianŋenŋe den bâleŋe makto aregât kondenŋe moâk. <sup>2</sup>Akto hinŋe Yesu mendenŋe luâk âmbâle dondâ hombaŋgât togoyi irekŋe nâŋgâmbiâ kuk miawakbopgât hinŋe bo memberen.” dâyi.

### Âmbâi siâŋe Yesu tu higenŋe âlepŋe puliaŋep.

<sup>3</sup>Akto Yesu Betania kepiân âgâep. Âgâm luâk hâk bâle siâ agep kotŋe Simon aregât emelan âgâ tatmâ sot niep. Akto ain âmbâle siâ togoep.

Arekne tu higenne ukenne siâ umbâ bâlensiân mem togoep. Tu are akto umbâ are puliŋe âgâ âgâŋe dondâ are hogom Yesugât kautjân kâiep. <sup>4</sup>Kâimbo luâk bikne ain kili are biwiyene bâlimbo hin dâyi, “Wangât tu ire yân kâiâp? <sup>5</sup>Nenne ire luâk yengâlân mem arim dâine âlepne puli dondâ mem âmâ luâk umburuk yengiwâen.” dâyi. Hain dâm âmbâle are peiyi. <sup>6</sup>Peimbiâ Yesune hin dâm makyengiep, “Ye âmbâle ire bo peinet. Wangât umatne waŋdâi? Âmbâle irekne okot âlep akniŋdâp. <sup>7</sup>Sop kâlep luâk umburuk ye olop tatmâ manbai are tânyenguwêrâm aregât aktâi. A âlepne hain aknet. Dâ nâmâ ye olop sop kâlep bo manbaen. <sup>8</sup>Dâ âmbâle irekne aktâp ire âmâ âlepne akniŋdâp. Tu hâknân kâiâp ire âmâ mombian aregât nâŋgâm akniŋdâp. <sup>9</sup>Gârâmâ bunne makyengire nâŋgânet. Hânne hânne nâŋgât pat ire makyengim manbai ain âmbâle ire aktâp yâkgât pat nelâmyengiwopgât gai makyengimbiâ nâŋgâwai.” dâep.

### Yudasi Yesu hâkne tunmâ puli miep.

<sup>10</sup>Yesugât aposololupne keiân lâuwâ mali are yengât hutyeŋân gâtne siâ kotne Yudasi arekne sumbe kat kat luâk areyengât humomolupyene are yengâlân arim hin makyengiep, “Nâne Yesu yâgâten me yâgâten mando ain hekatyengire meŋbai.” dâm makyengimbo <sup>11</sup>nâŋgâm biwiyene herone akto puli waŋbaigât magaŋi. Akto aregât den dâpne gain gain makyengire Yesu mem miawaknet dâm dâpgât undâgâlep.

### Yesune luâklupne olop sot neyi.

<sup>12</sup>Akto hombaŋ kotne Pasowa are keiŋe katmâ sot bo kauliep are nemini. Akto sop ain lama gâim om nemini. Aregât hoŋ bawalupŋande Yesu magaŋmâ hin dâyi, “Sot soŋgo emet wanân ondenne memberen?” dâmbiâ <sup>13</sup>Yesune aposolologâtne lâuwâ huŋgun yetkim hin dâep, “Yet âmâ Yerusalem kepien ariet. Arim luâk siâ ain umbâ heleŋ helenân tu hâgâm lokom manmâ yelektu aikombela kewugu yelekmâ emet are hekat yetkiwerâp. <sup>14</sup>Hekatyetkimbo emet amboŋe hin dâm magaŋberat, “Humo netŋande hin dâp, “Nâŋgât emet kom hâre hâreŋe are yâgâten hoŋ bawalupne olop sot memberen?” hain dâp.” dâmbela <sup>15</sup>kom hâre hâreŋe humoâk egon kakŋângen are hekatyetkiwerâp. Emet kâlegen are âmâ dâgâm me kondo bunewâk heŋgemgoyi, ain arim sot wan kalet.” Hain dâm huŋgunyetkimbo ariyat. <sup>16</sup>Arim Yesune makyetkiep are mem miawakmâ sot are mem hombaŋgât wan me wan heŋgemgoyiat.

<sup>17</sup>Hain akbela eŋgaiŋe akto Yesu togom aposololupne keiân lâuwâ olop sot soŋgo are neyi. <sup>18</sup>Nem tatmâ hin dâep, “Makyengire nâŋgânet. Yu tatâi yengât hutyeŋânba siâŋe nâŋgât gasa akmai are yengâlân arim nâ mem nuguwerâi aregât keiŋe hekatyengiwêrâp are nâ olop tatmâ sot nenden ire.” dâep. <sup>19</sup>Hain dâmbo aposololupŋande biwiyene umatne akto

siâkâ ikiñeâk ikiñeâk hin magarji, “Maktât amâ nâ mon?” dâyi. <sup>20</sup>Hain dâmbiâ Yesuñe hin makyengiep, “Amâ luâk keiân lâuwâ tatâi yeñgâlân gâtñe konok luâk are âmâ yu nâ olop sot nemberen kondo kâlegen bâtnetñe pandetñe geâp yâkgât den umatñe makyengire nânğâñet. <sup>21</sup>Anutugât den bunñe miawakto luâk akmâ geân nâ mombian gârâmâ nânğât gasa yeñgâlân katnekberâp arekñe umatñe humo mem manbiap. Luâk are memenñande bo miep dâine owâiñe agañbop.” dâep.

<sup>22</sup>Akto aposololupñe sot nem tali akto Yesuñe sot siâ mem munditmâ Anutu mepaiñe mem hin makyengiep, “Ire âmâ nânğât sunumne aregât dop.” hain dâm yeñgimbo neyi. <sup>23</sup>Akto waiñ hâpu siâ mem kinmâ âkâ hainâk Anutu mepaiñe mem yeñgimbo neyi. <sup>24</sup>Nembiâ den hin makyengiep, “Tu ire âmâ nânğât gilâmne aregât dop. Tu yu kâim yeñgire nendâi gârâmâ hâmbâi Anutuñe den pat kârikñe kalep are miawakto nugumbiâ gilâmne gembo luâk âmbâle dondâ areyeñgât dosa bo akbiap. <sup>25</sup>Nâ hinñe waiñ koañe tuñe bo nembian arekñe maleine bunewâk Anutuñe damunyeñe akberâm keiñe kato ain tu irakñe nembian.” hain dâm makyengiep.

<sup>26</sup>Hain dâm makyengimbo Anutugât kotñe mem agatmâ kep siâ membiâ bo akto arewa sopenmâ Oliwa gimbanñan âğâyi.

#### **Yesuñe Petoro magañep.**

<sup>27</sup>Âğâm ain aposololupñe hin makyengiep, “Anutuñe makyengimbo kulemgoyi aregât bikñe hin tatâp,

“Nâñe bau damunyeñe kondere mondo bau are awam akmâ kâit akmâ metewai.”

Den pat are bunñe miawakto menekberâm togombiâ ye hârok gem awam akmâ hanâk hanâk ariwerâi. <sup>28</sup>Gârâmâ nugumbiâ mondere han nugumbiâ momoñânba agatmâ arim Galilâia hânân lâm yeñguwian.” dâep. <sup>29</sup>Hain dâmbo Petoroñe hin magañep, “Gânğât gasa togombiâ hamewakmâ ariwerâi me bo. Bo nânğân. Dâ nâmâ bo hepun gekberân. Gâ olop tatmâ tân gugum âğâwian.” dâep. <sup>30</sup>Hain dâmbo Yesuñe hin magañep, “Makğindere nânğâ. Hândâk uñak gâñe nânğâ yâkgât kotñe bo nânğâman dâm makyengimenâ sop âlâwu akto ainâk gokorok lâuwâñe indewerâp.” dâmbo <sup>31</sup>kârikñe akmâ hin dâep, “Bo. Nâ gâ olowâk mombaet aregât hamep bo aktân. Akto nâ gânğât kotge bo mem heambukberân.” hain dâep. Dâmbo galalupñe hârok hainâk dâyi.

#### **Yesuñe Eweñe ulilañep.**

<sup>32</sup>Arewa ari kalam siâ kotñe Gesemane ain ariyi. Ain arim Yesuñe aposololupñe makyengim hin dâep, “Ye ge tatbiâ indâgen ba kinmâ Apo mañganmâ ulilañberân.” dâmbo ge tali. <sup>33</sup>Hain akmâ arewa Petoro, Yakopo akto Yohane meyekto bayi. Ba kinmâ biwiñe umatñe

akto hin dâm makyengiep, <sup>34</sup>“Ye âmâ iren damun tatjet. Biwine umatje dondâ akto gain gain manberân aregât tân nugum iren damun tatjet.” dâm makyengiep. <sup>35</sup>Makyengim hepun yekmâ getek indânân ba hânân ge tatmâ Anutuje umatje ire hepunniâk dâm hin ulilaņep, <sup>36</sup>“O Apo, gugak âmâ siâ me siâ hârok miawakbiapgât bo pâpkomat aregât uņak umatje miawak niņberâm aktâp iregât bo niņ dâm ulit giņdân. Gârâmâ gâņe âmâ nâņgât nâņgâ nâņgâne bo watben. Guge nâņgâ nâņgâge watben.” dâm ulilaņep. <sup>37</sup>Hain akmâ purik katmâ bam yekto aposololupņe âlâwu are asiņ yeyi. Yembiâ yekmâ Petoro goarņmâ hin magarņep, “Simon gâ asiņ yendât me? Hinņe hepun yektân ina pâlâmņe yendât.” dâm <sup>38</sup>aposololupņe âlâwu are hin dâm makyengiep, “Biyenņande âmâ laune lokowerâm aktâp. Dâ hâkyeņe âmâ konam aktâp aregât hâkņe hâkņe arekņe togom dop yeņguwerâm akbopgât damun kinmâ Anutu ulilaņep.” dâep. <sup>39</sup>Hain dâm makyengim purik katmâ bam lâuwâņe hainâk Anutu ulilaņep. <sup>40</sup>Ulilaņmâ metem purik katmâ gutmâ yekto asiņgât dondâ nâņgâyigât asiņâk yem tali. Hain akbiâ hainâk aiyengumbo dengât pâpkom aņun aņgim tali. <sup>41</sup>Hain akmâ kinbiâ hepunyekmâ bam hainâk âlâwuņe akmâ guto asiņ yembiâ hin dâm makyengiep, “Ye asiņ yem mandâi mon? Bâin. Uņak âmâ nâ luâk akmâ geân aregât dosa luâk yeņgâlân katnekto menekmâ hilip nuguwerâigât sop ewumâk aktâp. <sup>42</sup>Gârâmâ bâin agatmâ indâre yekņet. Nâņgât halop hogoâp ina togoâp. Ye agatbiâ arim peniaņne.” dâep.

### Yesu meyi.

<sup>43</sup>Den are hain dâm makyengimbo kinbiâ ainâk indâgenba Yudasieņe luâk dondâ sumbe kat kat luâk areyeņgât humomolupyeņe akto Mosegât den kârikņe makyengimini akto Yuda yeņgât damunlupyeņande huņgun yeņgimbiâ Yudasieņe kewugu yekto togoyi. <sup>44</sup>Akto luâk gasa kewugu yekto togoyi are âmâ Yudasi Karioto gâtņe luâk are Yesu ikiņe hoņ bawa inarekņe ari gasa tirip katyeņgim hin makyengiep, “Yesu are âmâ lokom maņgandere ekmâ âmâ hikom mem ariwei.” dâm makyengim kewugu yekto tâwât bugâ me soņ soņ lokom togoyi. <sup>45</sup>Togom gasa are iņgon kinbiâ Yudasieņe Yesugât enemņân âgâm, “Humone.” dâm lokom maņgando <sup>46</sup>olowâk togoyi arekņe âgâ Yesu mem hikoyi. <sup>47</sup>Akto luâk kili are hutyeņânba siâņe tâwât mem oloņmâ sumbe kat kat humo yeņæet hoņ bawa siâ kârâmbo oloņ akto ondopņeâk kârâm hâriep. <sup>48</sup>Hain akto Yesuņe hin makyengiep, “Ye nâņgât nâņgâm âmâ bugâ luâk dondâ hanyeņân ge mandere teņgâ soņ soņ lokoakbiâ bugâ humo miawakbopgât togoâi mon? <sup>49</sup>Nâ hilâmņe hilâmņe sumbe emetņân Anutugât den pat makyengiman sop ain menekbâi gâten. Anutuņe hârok nâņgâm makyengimbo kulemgoyi are yendâp are bunņe miawagâkgât hinņe menekņet.” dâmbo <sup>50</sup>aposololupņande hepunmâ gem awam agi.

<sup>51</sup>Akto Yesu hamiñân togombiâ yâkgât kâmolân gâtñe luâk sigan siâ sângum kau kau konok lalakmâ togoep. <sup>52</sup>Togombo memberâm akbiâ pârigimbo sângum kau kau areâk mem hulañbiâ sângum bâlâk pârigim ariep.

### Yesu den âiân kali.

<sup>53</sup>Akto Yesu mem sumbe kat kat areyengât humogâlân ariyi. Yâkgât emelan âgâmbiâ sumbe kat kat luâk areyengât humomolupyene akto Mosegât den kârikñe makyengiyi are akto Yuda luâk areyengât humomolupyene arekñe âgâmbiâ mendugum kili. <sup>54</sup>Akto Petoro purik katmâ yoñâk hamiyenjângen yoñâk watyekmâ togom emet kili aregât ginñân ba sombeimân kilep. Bam ain luâk humo aregât tembe lokolupñe yengât hutyeñân tatmâ kâlâp nângâm talep. <sup>55</sup>Tato emet ain âgâyi arekñe luâk niñande Yesugât agak meme are nângâp are makto kone dâm ai aguyi. Ai pei agum keiñe undâgâli. <sup>56</sup>Hain akmâ luâk dondâñe den aṅgâ aṅgâ hogom togo hâkgân hâkgân agi. Akto den are dopñe konogâk bo magi. <sup>57</sup>Siânbañe siâ dâmbiâ dâmbiâ agi. Akto luâk siânbañe Yesugât hiañgi den hin magi, <sup>58</sup>“Den siâ hin makto nângâyion, “Sumbe emetñe humo meyi ire gagaim patakore awam akmâ yendo hilâm âlâwu kâlegen nunak bâtnandeak mem metewian.” dâep.” dâyi. <sup>59</sup>Hain dâmbiâ den yu dâyi ire gai den ulik gulik magi are olop dop konok bo agep. <sup>60</sup>Akto sumbe kat kat yengât kautñande hutyeñânba agatmâ kinmâ Yesu hin magañep, “Gâ wangât den hâuñe siâ bo maknengîât. Den aṅgâ aṅgâ hogom togo hâkgân hâkgân aktâi iregât nângâmenâ ârândâñ aktâp me bo? Gain gain maknengimenâ nângâne.” dâep. <sup>61</sup>Hain dâm magañdo Yesuñe den hâuñe bo magañmâ denñe nâñâk kilep. Akto sumbe emetñaet luâk humo arekñe totokomâk hin magañep, “Gâ Anutuñe huñgun giñdo gien are me siâ? Humo kotñe mem agatmaen aregât nanñe gâ me?” dâep. <sup>62</sup>Hain dâm magañdo Yesuñe hin dâep, “Gâñe ya maktât are amâ nâ. Nâ luâk akmâ geân aregât nâmâ kârikñe amboñe Anutuñe enemñân manman aregât Anutuñe kârikñe niñmâ huñgun niñdo himbimânba hamandat olop gem amâ hârok damunyeñe akbian ain amâ nekbai.” dâep. <sup>63</sup>Hain dâmbiâ sumbe kat kat luâk humo arekñe den are nângâm biwiñe kâlâp akto aregât ikiñe sângumñe mem duwatmâ galalupñe hin makyengiep, “Siâñe siârâm siârâm akbiâ amâ den âi humo membâen. <sup>64</sup>Luâk ire amâ Anutuñe kotñe mem bâlimbo nângâen aregât ye gain gain nângâi?” dâmbiâ luâk âmbâle mendugum kili arekñe Yesugât hin dâyi, “Moâkgât dâp miawaktâp.” dâyi. <sup>65</sup>Hain dâm arewa keiñe katmâ tâwutkoyi. Akto bikñande sângumñe dewunñe dâgâm tigim koyi. Kom kinmâ hin dâm magañi, “Ondopge hogoâp aregât kotñe kon.” dâmbiâ tembe lokoñe ondopñe hogoyi.

**Petoro hamewakmâ, “Nâ Yesugât kâmolân gâtñe bo.” dâep.**

<sup>66</sup>Akto Petoro iñgon emet aregât ginñân tatmâ kâlâp nângâm talep. Tato ainâk emet aregât amboñe luâk humo aregât sumbe kat kat yengât

kautņe yâkgât horj bawa âmbâle siâ togoep. <sup>67</sup>Togom ekto Petoro kâlâp nânġâm tato âmbâle arekņe ekmâ totokomâk totokomâk egep. Ekmâ hin magañep, “Gâ Yesu Nasarete kepijan gâtņe are olop manmandat.” dâep. <sup>68</sup>Hain magañdo Petoroņe munenġ akmâ magañep, “Nâ luâk are bo nânġanġdân akto den maktât areġât keiņe bo nânġân.” dâep. Dâm âmâ dâwângen ariwerâm gembo gokorok indiep. <sup>69</sup>Gokorok indembo âmbâle arekņe Petoro yonġâk egep. Ekmâ kinmâ arekņeâk hin dâep, “Luâk ire âmâ Yesugâlân gâtņe.” dâm makyenġiep. <sup>70</sup>Makyenġimbo Petoroņe lâuwâņe hainâk magep, “Bunņe dondâ nâ luâk are bo nânġanġdân.” dâep. Akto getek kinmâ luâk enemņân kili arekņe Petoro hin magañi, “Gâ maktât areġât den amâ Galilaijanje makmai han hainângen maktât areġât ġâmâ Galilaija areyenġâlân gâtņe.” dâm magañi. <sup>71</sup>Hain magañbiâ makmâ bâleņeâk magep, “Anutugât meteņân makmâ kârigem makberân. Nâ yeņe luâk kotņe kondâi are bo ekmâ heņġemġoman.” dâep. <sup>72</sup>Hain dâmbo ainâk gokorok lâuwâņe indiep. Indembo nânġâm Yesuņe den hin magañep are hanņân ga togoep, “Gâ gokorok lâuwâņe bo indemboâk nânġâ yâkgât bo nânġâ aņman dâmenâ âlâwu akbiap.” dâep are hanņân ga togombo nânġâm okotņe akto indiep.

#### Pilatoņe Yesu aikoeþ.

**15** <sup>1</sup>Akto emet haunġo ain sumbe kat kat areyenġât humomolupyenġe akto Moseġât den kârikņe makyenġimini akto damun hârok menduguyi. Mendugum Yesu hikom mem kiap kotņe Pilato ġâlân arine dâm den âi meyi. <sup>2</sup>Hain akmâ mem Pilato ġâlân arimbiâ hin magañep, “Yuda yenġât luâk humoyenġe are ġâ me?” dâmbo Yesuņe hin dâep, “Amâ ġâņe ya maktât are.” dâep. <sup>3</sup>Akto sumbe kat kat yenġât humomolupyenġe arekņe den aņġâ aņġâ hogom togo hâkņân hâkņân aġi. <sup>4</sup>Hain akbiâ Pilatoņe Yesu hin magañep, “Gâ den hâuņe siâ wangât bo makmâ kindât? Nânġâ. Den aņġâ aņġâ hogom togo hâkġân hâkġân aktâi.” dâm magañep. <sup>5</sup>Hain dâmbo Yesuņe den hâuņe bo makberâm areġât yânâk kilep. Kindo Pilatoņe nânġâm han lâuwâ agep.

<sup>6</sup>Akto Pasowa hombaņ sop ain âmâ kala busiânba luâk ikiņak siâ bo watyekminep. Luâk âmbâleņe togo luâk siâ konbiâ watmâ watmâ akminep areġât nânġaep. <sup>7</sup>Sop ain âmâ luâk siâ kala busiân talep kotņe Baraba arekņe ulikņân kugġât dâtņe mendo agum luâk siâ kombiâ moep areġât akmâ kala busiân katbiâ talep. <sup>8</sup>Akto luâk âmbâle mendugum kili arekņe ulikņân akminen hainâk ak dâm Pilato konmâ tali. <sup>9-10</sup>Akto Pilatoņe hingât nânġâm, “Sumbe kat kat areyenġât humomolupyenġande, “Luâk âmbâle hârokņe Yesuġât kotņe mem agatbiâ nengât gewop.” dâm nânġâmbiâ bâlimbo areġât Yesu mem nânġâlân togoâi.” dâm nânġâm hin makyenġiep, “Ye Yuda yenġât luâk kembuyeņe ire hepundere yenġâlân gulâkġât nânġâi me wan?” dâm makyenġiep. <sup>11</sup>Hain dâm

makyenjimbo sumbe kat kat luâk arekne luâk âmbâle hin makyengi, “Ye konmâ wârakbiâkâ Baraba konok hepundo geâk.” dâm makyengi. <sup>12</sup>Hain dâm makyenjimbiâ hainâk konmâ wârakbiâ Pilatoje lâuwâne hin makyengiep, “Ye nângâi. Yuda yengât luâk kembuyeje dâmai ire gain mângiwegât nângâi?” dâep. <sup>13</sup>Hain dâm makyenjimbo luâk âmbâle arekne konmâ hin dâyi, “Lâwinân kombiâ moâk.” dâyi. <sup>14</sup>Hain dâmbiâ Pilatoje hin makyengiep, “Wan akmâ hilipkoâp?” dâmbiâ luâk âmbâle arekne konmâ wârakmâ, “Lâwinân kombiâ moâk.” dâm wâragi. <sup>15</sup>Akto Pilatoje luâk âmbâle dondâ wâragi aregât okotyene âlepne agâk dâm tembe lokolupne hin dâm makyengiep, “Baraba kala busiânba hungun anbiâ ariâk.” dâmbiâ arim hungun anbiâ ariep. Akto tembe lokolupjande Yesu handomne orem lâwinân kondene moâkgât mem ariyi.

<sup>16</sup>Akto tembe lokeje Yesu mem kiap humogât emetne ain mem âgâyi. Mem âgâm tembe loko hârogâk yengonbiâ togoyi. <sup>17</sup>Togom âmâ sângum gilâm siâ lalaqmâ tâk dâtâ dâtâ siâne irimut ketugum kautjân kaujanj. <sup>18</sup>Hain akmâ siânbanje lau elek aganjmâ hin maganji, “Wei, Yuda yengât luâk kembuyeje.” dâyi. <sup>19</sup>Hain dâm kâroje mem kom tâwutkom togo enemjân pâwutyene ligianmâ girijanji. <sup>20</sup>Hain akmâ sângum gilâm are higotmâ ikinje sângum lalaqmâ lâwinân komberâm mem ariyi.

#### Yesu lâwin parâjân koyi.

<sup>21</sup>Mem arim dâwân luâk siâ egi are kotne Simoŋ Kirene hânân gâtne Alesande akto Rupu eweyetne are halângenba togom mando dâwân egi. Ekmâ wârakmâ tatbiâ Yesugât lâwin are lokombo ariyi. <sup>22</sup>Arim hân siâ kotne Goligata den purikne amâ kaut hagitne ain ariyi. <sup>23</sup>Akto hâk hilâlâm humo nângâwop dâm waiŋ akto biwi gulip tu kâim mendugum waŋbiâ borâep. <sup>24-25</sup>Akto dewutâ gambo lâwinân koyi. Kom mem anujbiâ kindo sângum memberâm kotyene kulemgom are umbâ kâlegen panbiâ gembo luâk kotyene miawakto arekne sângum are meyi. <sup>26</sup>Akto kom kautjân lâwin ulikjân kulem kulemgoyi aregât keine hin, “Ire Yuda yengât luâk kembu.” <sup>27</sup>Akto bugâ koko kâmburâ lâuwâ siâ Yesugât gasomne biken biken lâwinân yetkuyi. <sup>28</sup>Akto Anutuje makyenjimbo kulemgoyi âmâ hin yendâp are bunje miawagep, “Nângât hoŋ bawane yâk luâk bâlene hâkne hâkne yengât hutyejân katbai.” dâep. Are bunje miawakto aregât luâk kâmburâ lâuwâ olop yetkuyi. <sup>29</sup>Akto luâk âmbâle gam ariyi arekne Yesu den hembalik mângim hin dâyi, “Sumbe kat kat emetne gagaim hilâm âlâwu kâlegen ketuguwian dâmat aregât <sup>30</sup>bâin kârikne akmâ lâwinânba ge.” dâyi. <sup>31</sup>Akto sumbe kat kat luâk areyengât humomolupyeje akto Mosegât den kârikne makyenjimini arekne hainâk den hembalik mângim maganji goanji akmâ hin dâyi, “Luâk anjâ âmâ tân yengumap. Dâ ikinje âmâ wangât bo tânaguâp? <sup>32</sup>Anutuje hungun anjo togom Yuda luâk nengât luâk kembu mandâp dâmai inarekne



lâwinânba gembo ekmâ âmâ den are bunje dâm nângâweren.” dâyi. Hain dâmbiâ Yesugât enemje bip bip yetkuyi lâuwâ arekâ hainâk den bâleje magarjat.

#### Yesu moep.

<sup>33</sup> Akto hilâm tânâmjân ain hândâk humo dâgâm yendo engaije agep. <sup>34</sup> Engaije akto ain are Yesuje kot hin kolep, “Eli Eli lama sabaktani?” dâep. Den purikje âmâ, “Anutuje, Anutuje wangât hepun nektât.” dâep. <sup>35</sup> Akto luâk ain kili ainba siânbaje nângâm hin dâyi, “Âure nângâjet, Elia kondâp.” dâyi. <sup>36</sup> Akto luâk siâje pârigim arim sângum papaje siâ kâroân bigeim waij nasukjân panmâ mem agatmâ Yesugât laujân katmâ kinmâ galalupje hin makyengiep, “Elije bunje gem tângombo lâwinânba gewerâp me bo aregât ekmâ kinne.” dâep. <sup>37</sup> Hain akto Yesu kârikjeâk kambojmân ainâk panagep. <sup>38</sup> Akto sângum humo sumbe emetjân kilep are tânâmjânba duwalakmâ giep. <sup>39</sup> Akto tembe loko humoyeje siâ Yesugât enemjân kilepgât ekmâ kindo mondo hin dâep, “Ire amâ Anutugât nanje bunje.” dâep.

<sup>40</sup> Akto âmbâle bikje ain kili arekâ getek kâlewânâk kinmâ ekmâ kili are hutyejân kilep siâ kotje Maria Madala kepijan gâtje akto Maria siâ Yakopo bâlensiâ akto Yose areyetgât memeyetje, akto Solome. <sup>41</sup> Are âmâ Galilaia hânân Yesugât hoj bawa akbiâ olop mali. Akto yâk konok bo. Âmbâle bikje Yesu olop Yerusalem kepijanba togoyi are olowâk kili.

#### Yesu hangoyi.

<sup>42</sup> Âi bo meme sopje irawot akto emet dâgâwerâm akto ain Arimataia kepijan gâtje luâk siâ kotje Yosepe are togoep. <sup>43</sup> Luâk are âmâ damun akto kaunsoli yengât hutyejân mando ekmâ luâk âlepje dâmini. Are Anutuje hoj bawa je hungun aņdo gem damun agâk dâm ulilaje. Hain akmâ yâk je hamep bo akmâ Pilatogât emet kâlegen âgâm ba enemjân kilep. Kinmâ, “Yesugât hâk je mem arim hangowerân.” dâep. <sup>44</sup> Dâmbiâ Pilatoje hanje undup akto tembe lokoje siâ hin magaje, “Emelâk mondâp me? Bam ek.” dâmbiâ bam ekmâ gutmâ emelâk mondâp dâep. <sup>45</sup> Hain dâmbiâ Pilatoje Yosepe magajmâ, “Âlepje Yesugât hâk je mem ari hango.” dâep. <sup>46</sup> Akto Yosepeje bam sângum kau kau siâ puligom mem ari Yesugât hâk je are mem ge sângumân are katmâ katipkoep. Hain akmâ mem ari kât dâp je siân ulikjân parâ parâ kendâyi ain katmâ kât humo siâ hâkokombo tigiep. <sup>47</sup> Akto Maria Madala gât je akto Yose memeje are Yosepeje Yesu kât dâp jân kalep sum are ekmâ kiliat.

#### Yesu momojânba agalep.

**16** <sup>1</sup> Âi bo meme sopje are bo akto hândâk pipi je tatoâk Maria Madala gât je akto Maria siâ Yakopo memeje akto Solome

Yesugât hâkŋe hambuwopgât dâm tu higenŋe ukenŋe puligom mem togoyi. <sup>2</sup>Sonda hândâktâk dewutâ gambo ain sumângen arim dâwân yeŋeâk maganŋim hin dâyi, <sup>3</sup>“Niŋande tân nengumbo kât humo are hâkokoweren.” dâyi. <sup>4</sup>Hain dâm togom kinmâ ekbiâ kât humo sum dâpŋe tigiep are bo yiep. <sup>5</sup>Are ekmâ kât kâlegen âgâyi. Âgâm ekbiâ luâk sigan siâ sâŋgum kau kau humo luguakmâ bânŋe bungen kindo ekmâ sân sân mem hamewagi. <sup>6</sup>Akto luâk arekŋe hin dâm makyenŋiep, “Bo hamewakŋet. Ye Yesu Nasarete gâtŋe lâwinân koyi are ekberâm togoâi amâ emelâk agatmâ ariâp. In bo yendâp. Gutmâ in kali aregât gewâkŋe ekŋet. <sup>7</sup>Yeâmâ arim Petoro akto hoŋ bawalupŋe aposololupŋe bikŋe are makyenŋiŋet amâ Yesu âmâ ulikŋân makyenŋiep hain aktâp. Emelâk Galilaia hânân ariâp. Gârâmâ ye ari makyenŋimbiâ Galilaiaŋen ari ekŋet.” dâep. <sup>8</sup>Akto âmbâle are kât kâlegenba gam hamewakmâ biwiyenŋe gulip agepgât luâk siâ aregât den pat bo makyenŋiyi.

<sup>9</sup>Akto Sondan emet hauŋdo hândâktâk Yesu momoŋânba agatmâ arim Maria Madala kepiân gâtŋe ulikŋân ikiŋak sinduk baniara bâleŋe nâmbulân lâuwâ watyenŋiep yâkgâlân arim miawagaŋep. <sup>10</sup>Miawagaŋdo arim Yesu hamiŋânŋen olop manmâ indeanmâ mali are arim makyenŋiep. <sup>11</sup>Makyenŋim hin dâep, “Yesu âmâ togo miawakniŋdo ekmâ yu togoân.” dâmbo den are bo nânŋanŋi. <sup>12</sup>Akto arewa luâk lâuwâ siâ kepia are hepunmâ arim manbela dâwân Yesuŋe enem dewunŋe siâ akto miawak yetkiep. <sup>13</sup>Akto luâk lâuwâ arekŋe Yesu egiat aregât purik katmâ arim galalupyetŋe makyenŋiyiat. Akto yâkŋe, “Den are hianŋiat.” dâm nânŋâyi. <sup>14</sup>Akto sop siân aposololupŋe keiân konok arekŋe sot nem tatbiâ Yesuŋe hutyenân togo kilep. Kinmâ hin makyenŋiep, “Wangât biwiyenŋe nânŋâlân bo kali? Akto momoŋânba agatere âmbâleŋe nekmâ togom makyenŋimbiâ, “Hianŋiâi.” dâyi are wangât hain agi.” dâm kugâk kugâk akyenŋiep. <sup>15</sup>Akto hin dâm makyenŋiep, “Yeâmâ arim hânŋe hânŋe nânŋât den pat âlepŋe ire makyenŋiwei. <sup>16</sup>Luâk siâ bunŋe maktâi dâm biwiŋe nânŋâlân kato tu puli aŋbai are âmâ sop humoân dosa bâlâk kinbiap. Dâ siâ nânŋâm hianŋiâi dâm nânŋâlân biwiŋe bo katbiap akto bo nânŋâniŋmâ kepiânŋiŋbiap are âmâ dosa mem manmâ kâlâpgât pat akbiap. <sup>17</sup>Nânŋâlân biwiyenŋe katmâ manbai arekŋe âmâ kulem keiŋe keiŋe membiâ yekmâ, “Ire Yesugât kârikŋân kindâi.” dâwai. Kulem are âmâ hin. Nânŋât kolân sinduk baniara bâleŋe watyekbai. Akto denyenŋe irakŋe membai. <sup>18</sup>Akto hâme hewuk niambi sâmbâ bo ekmâ tâlimbiâ yenŋimbo bo mombai. Akto wan me wan sait kâmbokŋe nem âmâ bo mombai. Akto luâk kundatdâ areyengât hâkyenân bâtyenŋe katbiâ âlepŋe akbai.” Yesuŋe hain makyenŋiep. <sup>19</sup>Makyenŋimbo Anutuŋe oloŋdo hepunyekmâ himbimân purik katmâ âgâep. Âgâm Anutugât bânŋe bungen ain talep. <sup>20</sup>Akto aposololupŋe arim kepianŋe kepianŋe Yesugât den pat makyenŋim mali. Manbiâ ain ikiŋak kârikŋe yenŋimbo kulem keiŋe keiŋe membiâ luâk hârokŋe are ekmâ, “Luâk ire âmâ den bunŋe makmâ manmai.” dâyi.